



**Disquisitio Critica In Georgii Christophori Neller JCti
Trevirensis De Tribus Episcopis, S. Petri Etiamnum
Viventis In Romana Cathedra Successoribus, Systema
Novum, Uti Et Primatum Pontificium S.**

Berg, Hyacinth

Coloniæ Agrippinæ, 1772

Pars Prima.

[urn:nbn:de:hbz:466:1-61433](https://nbn-resolving.de/urn:nbn:de:hbz:466:1-61433)



DISQUISITIO CRITICA:

PARS PRIMA.

§. I. **U**t probatum VIR CLARISSIMUS daret Systema suum, pro basi sufficere sibi credidit Successionis Substantiam; quæ, quoquo modo se res habeat circa multa, hanc tene-
ret consequentiam ex EPIPHANIO: PETRUS, ET PAULUS (QUI
APOSTOLI PARITER, ET EPISCOPI FUERUNT) LINUS,
CLETUS, CLEMENS. Quare Chronologiam, ac temporum sup-
putationes eas, quibus initia, ac fines Sessionum, juxta Consulatum,
Imperatorum, æræ Christianæ annos &c. determinantur, sibi decli-
nandas putavit. Quod quidem ille sobrie omnino fecit, ac caute: ne-
que enim in his rebus est adeo versatus, ut vereri non debeat, ne cor-
rigatur: velut cum in EXERCITIO JURIDICO pro die 2. Decembris
 anni MDCCCLXXI. pag. 29. §. IV. INDIGATIONEM QUINTAM
 retulit ad annum 1008, quæ certissime cadit in annum 1007, neque
 subsistere potuit 7. Maii anni 1008, ut vel tirones nōrunt in eo genere
 studiorum, cum annos INDIGATIONIS ex methodo sibi a RICCIO-
 LO, PETAVIO, aliisque præclarissimis Viris suggesta inquirunt.
 Verum cum sic ille nullam sibi crucem figi vult a Chronologia; etiam
 hoc ego commodum refero, ut in χρονοτάξει rem, ut ipse vocat, mul-
 lius certi exitus, potius autem interminabilis altercationis (a) me im-
 miscere nullo modo debeam. Sit igitur, maneatque hæc controverſiæ
 summa, in quam modo indagatur: an PETRUS vivus, an mortuus
 Successores eos, de quibus agitur, habuerit in ROMANA CATHE-
 DRA: vel potius, an accommodatis ad rem argumentis id VIR ille
 CLARISSIMUS probatum dederit de vivo, quod de mortuo alius in-
 telli-

(a) pag. 38. sub asterisco dupli.

telligendum contenderet. Fateor: temporis hic intercurrit quæstio, sed interminati illius, atque incerti, quod a calculis faciendis, ut ipsum liberare potuit, sic plane beat me. Et quomodo alioquin eam ipse sibi definiendam sumpsisset?

§. II. In eadem basi sua, quod & alias facit, SUCCESSIONIS, SUCCEDENDI, SUCCESSORIS vocabula omni prorsus rigore capit VIR CLARISSIMUS; quamvis non raro illa & soleant accipi mitius, & debeant. Non repugno. Sit plane *rigida* successio, ita, ut non prius successerit LINUS, quam Episcopatu cesserit PETRUS, nec LINUM CLETUS excepit, nisi & deposuerit ille prius, quod a PETRO relictum habuit. Quin etiam istud permitram (nam liberalior esse volo, neque, ut noxae ista mihi sit liberalitas, verendum habeo) sit idem CLETUS, qui ANACLETUS: sit, ut CLEMENS eodem modo CLETO, quo hic LINO, LINUSQUE PETRO, prius scilicet Episcopatum deponenti, successerit: adparebit nihil minus, quid praesente possim in controversia: vincam, an vincar, eruditu orbis judicium erit. Sonemus classicum.

§. III. Pugnandum primo censuit VIR CLARISSIMUS productis in arenam IGNATIO Martyre, Catalogo quarto Bibliothecæ Colbertinæ, & EUSEBIO PAMPHILI historiæ Ecclesiastice parente. Verba ipsa certis de causis, & eodem servato charactere, a me integra describi debent. " De adjutoriâ *Lini*, & *Cleti* operâ, *S. Petro* exhibitâ, nihil est in sacris Literis; ut quæ *Cleti* non meminerunt, *Lini* verò tantum in clausulâ salutatoriâ epistolæ *S. Pauli ad Timoth. II. cap. 4. v. 21.*; quæ cùm paulò post primam Apostoli coram *Neroni* defensionem (C. Baronio Tom. I. pag. 590. a.C. 59. Neronis 3.) scripta fuerit Römæ, certum est, ibi quoque *Linum* tunc fuisse cum *S. Paulo* Apostolo: propter quod epistola *S. Ignatii ad Trallianos*, quæ inter genuinas refertur, *Linum* non *S. Petri*, sed *Pauli* ministerium, sive *Diaconum* fuisse scribit: *quid etiam Diaconi, nisi imitatores Christi, ministraentes Episcopo, sicut Christus Patri, & operantes illi operationem mundam, & immaculatam, quo modo S. Stephanus Beatisimo Jacobo, & Timotheus & LINUS PAULO, & ANCLETUS & CLEMENS PETRO.* Econtra duos priores *Petro*

exli-

" extitisse *Coepiscopos*, dicit catalogus RR. PP. quartus Bibliothecæ
 " Colbertinæ apud *Pagium Tom. I. criticæ* pag. 165, ubi post *Linum*,
 " & *Cletum* sic: *hi duo fuerunt COEPISCOPI*, NB. UNUS SCILI-
 " CET POST ALIUM, temporibus B. Petri: & ante istum Eusebius
 " lib. 3. cap. 4. de *Lino*, & Clemente affirmat: LINUS verd & CLE-
 " MENS (memorantur) in urbe Româ Ecclesiæ PRÆFUISSE, qui
 " COMITES & ADJUTORES ejus fuisse ab ipso Paulo perhibentur."

Sub asterisco simplici ad §. V.

Potest, si res primo consideretur obtutu, videri CLARISSIMUS aliud per hæc nihil voluisse, quam ut ostenderet justam sibi esse id mere *finendi*, non autem definite affirmandi causam, quod prima Paragraphi parte dixerat: LINUM, ET CLETUM &c.; præsertim cum de *adjutoria LINI*, ET CLETI opera S. PETRO exhibita nihil quoque sit in divinis Literis. Tumque dissimulari a me locus iste, aut minus severe discuti poterat: qui enim adjutores viventi PETRO fuerunt, eos post PETRI mortem, sed antequam ipsi morerentur, transiisse in successores nihil prohibet. At enim cum jamtum insinuet, S. PETRUM non gessisse Episcopatum usque ad mortem suam (nam quæ alia verborum eorum vis: *donec nempe &c.*) etiam occupandum id censuit, atque aliquo in antecessum modo firmandum, quod postea evolvit magis, & apertius stabilire aggreditur. Quare minutatum hic singula persequi, e re mea esse existimavi.

§. IV. Ut ordinar a Catalogo, scrupulum in primis id potest movere, anne verba: *Hi duo fuerunt &c.* vel omnia, vel saltem ista NB. UNUS SCILICET POST ALIUM: ab ipsomet eo adposita sunt, qui digessit catalogum, an per alienam manum adsuta. Quam sæpe glossematis id genus, & scholiis interpolati occurrant codices manuscripti, uterque novimus. Sed tamen misso hoc scrupulo, cum autographum non viderim ego, fors neque CLARISSIMUS, ut idoneum de illo judicium formare possimus, valeat sane Catalogus, & valeat prorsus, ut extat in Critica PAGII. Evidem quid inde ad causam suam lucri VIR CLARISSIMUS referat, videre non possum. Nam si uterque PETRO extitit *Coepiscopus* & LINUS, & CLETUS, quamvis UNUS POST ALIUM; potiori jure arbitror me illaturum, & PETRUM fuisse Episcopum tunc, quando *Coepiscopus* ei extitit

B

LI.

LINUS; & Episcopum non secus, cum in prioris locum alter succedit *Coepiscopus CLETUS*. Nam ei, qui Episcopus non est, quis dicitur *Coepiscopus*, quis *Coepiscopus* ei, in cuius Episcopatum, sed jam ab illo depositum succedit, et si aut ille, qui Episcopus non est, aut dimisso Episcopatu superstes iisdem cum illo, qui nunc habet Episcopatum, temporibus pergit convivere? Si nihilominus ergo *Coepiscopum Petro & LINUM, & CLETUM, & cum ordine successionis laudatus statuit Catalogus; Systema Vicariatus Successivi hinc potius eruendum erit, ut nempe PETRO primario Episcopo, vel, si ita lubet, ordinario Vicarius primum *Coepiscopus* exuterit LINUS; tum vel ob LINI mortem, vel acceptam alio missionem, vel quamcunque demum ob causam extincto LINI Vicariatu Vicarius *Coepiscopus* factus sit CLETUS.* Quae anne placent? an peccatum in ratiocinio? an minus ejus, qui Catalogum digessit, mentem assecutus videbor? Sic igitur non causam adjuvit suam CLARISSIMUS, sed jam tum pessum ire ccepit. Nisi forte ex eo satis sibi consultum paret, quod successionem non quamcunque, sed Episcoporum Romæ, eamque rigorosam statuat Catalogus: Detur hæc etiam ipsi: sed unum excipiamus; nec LINI Vicariatum cessasse ob ejus mortem nec postea CLETI: poterit hac ratione utrumque subsistere, ut qui viventis PETRI ex ordine adjutores fuerunt, eodem servato ordine in definiti locum succederent, non jam VICARII solum aut COEPISCOPI, sed pleno titulo jureque proprio URBIS ROMÆ EPISCOPI. Sic ergo certe nullum ex Catalogo patrocinium acquirit VIR CLARISSIMUS.

Poterat post hæc ignoscere Viris doctissimis HENSCHENIO, & PAPEBROCHIO, quorum frustra conatur obscurare nominis gloriam semper majorem sua futuram, si *Apostolicos*, vel *Evangelicos* ad tempus eos vocarent Episcopos, quos postea in locum PETRI mortui vere Romanos non solum EPISCOPOS, sed PAPAS successisse volunt. Esto, quod nullo etiam præeunte hæc eis *agnomina* tribuerent. Nam *agnomen*, idque non malum nullo præeunte tribuere, quis non videret esse ferendum facilius, quam Systemata nova, & in re momenti gravissimi, non dicam opinari, vel divinare, sed mente nescio quo abrepta, somniantis instar proponere? (b) Poterat & illud condonare, quod CHOREPISCOPORUM eos interim haberent loco.

Nega-

Negare enim an volet CHOREPISCOPOS (ex etymo vocis *Episcopos regionarios*) persæpe saltem, multisque in locis eos adpellatos fuisse, qui, ordine Episcopi cum essent, proprio destituti Episcopatu, quem regerent, vicariam Episcopis aliis operam navarent? Poterat demum temperare stylo, ut fæcunditatem inventricis *imaginationis* (c) non exprobraret PAPEBROCHIO, neque adornantem, ac conciliare conantem cum diversis veterum dictis Systema suum, nimis illum *imaginibus mentis suæ litasse* diceret. (d)

§. V. Ad IGNATIUM veniamus, EUSEBIUMQUE. Quo animo id acciperet VIR CLARISSIMUS, si dicerem, non inspectum ab eo fuisse IGNATIUM? Ac videbar id quidem mihi, & citra injuriam affirmare potuisse, cum inspecta Patrum Bibliotheca textum iis, quibus citatur, verbis non invenirem. Poteram eo magis, hoc ut assererem, propendere, cum neque in editione græcolatina, quæ prodidit Parisiis anno MDLVIII. talibus textus verbis occurreret, sed potius, ut eum offerebat Bibliotheca Patrum. En græcum Parisinum: τι διδασκενοι, ἀλλ' οὐ μηται των ὡγγελικων δυναμεων, λειτουργουντες αὐτῳ λειτουργιαν παθασσεν και ἀμαρτιαν, οὐΣπεφανος ὁ αγιος Ιεχωβη τῳ μακάρῳ, και τιμωδεσ και λινος Παυλῳ, και Ανακλητος και Κλημης Πετρῳ. Latine ibidem sic redditur: *Quid item Diaconi, nisi imitatores Angelicarum virtutum, ei ministrantes ministerium purum & immaculatum, ut S. STEPHANUS &c.* Consului tamen & aliam insuper editionem, quæ est Operum DIONYSII anni MDLVI., quibus Ignatianæ sunt permixtæ epistolæ; item Birckmannianam Clementinorum anni MDLXX, quibus sub finem Typographus Ignatianas quoque epistolas ad jungendas putavit. Et in ambabus, fateor, textum eodem prorsus, quo CLARISSIMUS modo retulit, ostendi. Itaque non dicam id, quod primo dicere constitueram; præsertim cum priorem, quam mox memini, editionem consonare cum Champeriana anni MDXVI. me do-

B 2

do-

(b) Robur validæ *imaginationis* Henschenio tribuit pag. 42. Magnum pariter opinatorem *Papebrochium* vocat. *ibid.* Duos divinatores appellat ambos, moxque per insignem contemptum prælaudatos Authores Systematis imaginarii. pag. 43.

(c) Pag. 37. Addit. 2.

(d) pag. 38. *ibid.*

doceat HENSCHENIUS Tom. I. Febr. ad diem r̄mam in vita S. IGNATII; *Champerianam* autem sibi esse VIR CLARISSIMUS adfir-
marit §. XI. in asterisco. Suspicionem tamen vel invitus h̄erere sen-
tio, eo quod certissimum habeam, non inspicere semper illum omnes,
etiam quos inspicere possit authores, meritoque ob rei gravitatem
debeat.

Sed levius istud est. Quid autem si aliud incusum vitium in VIRO CLARISSIMO, cum IGNATII epistolam illam, quæ est ad TRALLIANOS, genuinis accenset? Est sane ejusmodi hoc vitium, ut ignorantia dilui, vel calami præcipitatione non possit: quo autem nomine sit appellandum, Lector ipse dijudicet. Quid igitur? non est Epistola illa genuina? est sane *in thesi*, sed non genuina *in hypothesi*; non genuina eo, qui adducitur, loco; non genuina in iis, quæ majoribus sunt expressa formis, ac velut ad causam pertinentia notantur: quodque potissimum est, nihil horum aut VIRI CLARISSIMI scientiam, aut, cum scriberet, reflexionem fugisse censi potest. Nam cujus est tam fertile ingenium, tam sollicita crisia, tam vasta eruditio in monumentis antiquorum Patrum; qui perquam accurate distinguit inter sepiem genuinas, quinque dubias, tres suppositicias S. IGNATII Epistolas; qui illam, quæ est ad MARIAM CASSABOLITAM dubiæ fidei habet; qui hujus tam oculatum epistolæ inspectorem, tamque industrium se collatorem monstravit, ut vel unicum unius syllabæ vocem NUNC suo in exemplari deficientem notarit; ille hoc nescierit unum de Ignatianis epistolis, genuinarum variantes editiones esse; atque illam quidem VOSSII ex collatione USSERII communi Catholicorum calculo probari tanquam incorruptam, & puram; e diverso autem ut non paucis in locis adulteratam, corruptam, interpolatam haberi eam, quam vetus offert Bibliotheca Patrum, & quæcumque id genus alia sit, præter eam a VIRO illo CLARISSIMO ador-
natam; vel imitatione expressam? Nunquid NATALIS hoc ipsum ALEXANDER docere potuit *H. E. Sæc. I. cap. XII. A. XVI.*, nunquid integra pariter, & per ampla Dissertatione, quæ est XXIII. ejusdem Sæculi? Nunquid idem NATALIS (& hunc non consuluerit ipse, cum habeat a partibus suis stantem in tollendo CLETUM inter & ANACLETUM discrimine?) ubi *Dissert. XIV. in scholio* authores me-

morat,

morat, quos sit secutus, inter græcos etiam recenset NB. non verum IGNATIUM, sed PSEUDO-IGNATIUM; in epistola ad TRALLIANOS NB. non genuina, sed INTERPOLATA? Nunquid si omnia legit (& quis non legisse credat?) quæ HENSCHENIUS, & PAPEBROCHIUS, ille ad diem 26. Aprilis in CLETO, iste in *conatu chronicō historico* pag. 219. meminerunt, hoc quoque legere debuit: ista verba (de ANACLETŌ, & CLEMENTE) "deesse in genuinis" MSS. græcis FLORENTIÆ in Bibliotheca Medicæa existentibus, quas "que epistolas indidem transcriptas edidit ISAACUS VOSSIUS, collatas cum antiqua versione, quam in tribus codicibus MSS. repertam" vulgaverat OXONIÆ JACOBUS USSERIUS?" Sed enim intererat ipsius; IGNATIUM quoquo modo in partes suas trahere; intererat, id ut faceret non solum ex epistola ad MARIAM CASSABOLITAM, cuius dubiam fidem agnoscit §. III. iterumque §. XIII. disputans adversus Χεορωνέας BARONII; sed etiam ex epistola, quæ inter genuinas refertur, qualis est illa ad TRALLIANOS: intererat, ut ipse, quem inde producit, locus, ac vel maxime in verbis grandiori forma expressis haberetur pro genuino, ideoque corruptionem, vel interpolationem sibi satis notam celaret. Valebat id primum, ut ANACLETUS idem haberetur, qui CLETUS, quod asseruerat §. III. Valebat etiam, si non ad firmandum Successionis ordinem, ubi CLEMENTI ANACLETUS præponitur, saltem ad exagitandos, quos iræ suæ devoicerat, HENSCHENIUM, & PAPEBROCHIUM, quos multi habuit, fecundique cerebri homines, sed judicii parum limati. Et si ad nihil valuit horum; eo valuit certe, ut adjutoria LINI opera S. PETRO exhibita, a se merito duntaxat *permitta*, non adfirmata videatur, posteaquam antiquissimum, & in genuina epistola ejus operæ ignarum protulisset IGNATIUM.

§. VI. In EUSEBIO id magis accedit VIRO CLARISSIMO, quod in IGNATIO. Non inspexit, repetamque, non inspexit EUSEBIUM. En hujus verba ex Lib. 3. C. 4. *λινος δε ει μημηται συνοντος επι φωμης αυτω κατι την δευτεραν πλος τημοθεον επισολην, πεινος μετι Πειρον της ρωμαιων εκκλησιας την επισκοπην· ηδη προτερον κληρωθεις δεδηλωται. αλλα και ο πλημης της φωμαιων και αυτος εκκλησιας τητος επισκοπος καθασας, παντω τυνεργος, και συναδηπης μεγονεναι προς αυτη μαρτυρεται.* Ad literam, B 3 quan-

quantum potui, sic latine: *Linus etiam; cuius meminit tanquam secum existentis Romæ in secunda ad Timotheum epistola, primus post Petrum Romanorum Ecclesiæ Episcopatum jam supra sortitus esse demonstratus fuit. Insuper & Clemens, Romanorum & ipse Ecclesiæ tertius constitutus Episcopus, Pauli cooperator, & concertator fuisse ab ipso memoratur.* Nec mihi statim objectet, in suis verbis eandem esse substantiam sensus; se vero satis habuisse, ut substantiam adduceret omissis parergis. Nam quæro primum: idne est citare, vel adducere VERBA AUTHORIS? atqui hæc se adduxisse videri voluit. Ecquid enim parenthesi clausit verbum: *memorantur*, ac quidem charactere distinctum, tanquam non jungendum ceteris, quæ adfirmat EUSEBIUS, vel ille potius interpres, qui latinum reddidit EUSEBIUM? cur verbo: *affirmat*, duplex adnectit punctum, ac mox variat characterem? cur singularē vim ponit in verbo: PRÆFUISSE, & augustiore typo, uti & soler alia, si quæ ex propriis Authorum verbis sibi speciatim favere credit, exhibet? quanquam & hujus rei alia sit, quæ postea dabitur, ratio. Fateatur igitur, se, nescio a quo, deceptum, qui, cum substantiam hoc pacto sensus se retulisse putavit, dux ipsi extiterit, id ut crederet EUSEBII loquentis esse, quod iste alius tantum ut sententiam, vimque sermonis Eusebiani, venditare voluit; nisi forte & hic iterum descriperit ex alio, donec tandem ad primum aliquem seu ex proposito, seu tantum occasione data deceptorē pervenire necesse sit. Quod si fateri renuat, vitium hoc denuo illi objectari poterit, cui nec ignoratio præbeat asylum, nec patrocinium calami præcipitatio. En: quomodo id probem.

Catalogum *Colbertinum* textui opponis *Ignatiano* VIR CLARIS-
SIME, & opponis in eo, quod, quorum alterum nempe LINUM ad-
jutorem PAULI, alterum nempe CLETUM, vel ANACLETUM
PETRI cooperatorem fecisset IGNATIUS, hunc utrumque catalogus
PETRO Coepiscopum exhibeat. Jam ut Catalogum non sine vindiciis
relinquas; EUSEBIUM illi præfisse contendis, NB. ET ANTE
ISTUM EUSEBIUS; præfisse vero, quod partim adfirmarit Coepi-
scopatum LINI; partim vero nominatis a Catalogo Coepiscopis, ter-
tium, sed qui alter PETRI adjutor ab IGNATIO propositus fuerit,
Coepiscopum adjunxit CLEMENTEM. Ita si intelligo; plana est
oppo-

oppositio, cohæret orationis series, ratio adparat, eaque insignis, cur illustrior typi species sit data verbo: PRÆFUISSE; quæ quamobrem data fuerit, si vel de præfectura universe tantum ageret EUSEBIUS; vel de ea, quæ post PETRI mortem gesta fuerit (cum talen non gesserit te quidem judicante LINUS) ac non penitus de illa, quæ ipsius adhuc *B. Petri temporibus* non a LINO solum, sed etiam CLEMENTE capta fuerit, haud quaquam intelligi potest. Interrogo jam te, VIR CLARISSIME! verne putas ira sensisse EUSEBIUM, ut LINUM, atque CLEMENTEM viventi PETRO haberet Coepiscopos; Coepiscopos, inquam, tuo illo in sensu, quo PETRUS vivus dimisso Episcopatu Successorem primum nactus sit LINUM, & CLEMENTEM CLETO intercedente tertium? Atqui nihil est, singique potest alienum magis ab EUSEBII mente. Quid? illene EUSEBIUS, qui Lib. 3. cap. 2. scripsit: *της δε ρωμαιων ἐκκλησιας μετα την πτωλε και πετρο μαρτυριαν, πρωτος κληρουται την ἐπισκοπην λινος.* Romanorum autem Ecclesiæ post Pauli, Petriique martyrium primus sortito caput Episcopatum Linus. Qui Libri ejusdem cap. 13. *λινος ἐπισκοπος της ρωμαιων ἐκκλησιας δυοκαιδεκα την λειτηριαν ενιαυτης κατασχεν, ἀνακλητης ταυτης παραδιδωσι.* Linus Episcopus cum Romanorum Ecclesiæ duodecim administrationem annis obiisset; Anacletus hanc tradit. Qui cap. 14. *της ρωμαιων ἐκκλησιας ἀνακλητον, ἵτετιν ἐπισκοπουντα δεκαδυ, διαδεχεται κλημης.* Romanorum Ecclesiæ cum Anacletus Episcopatum gessisset annis duodecim; excipit eum (vel succedit ei) Clemens. Illene, dico, EUSEBIUS, qui superstitem hoc pacto LINUM PETRO; CLETUM, vel ANACLETUM LINO, & utrique CLEMENTEM fecit, adeo sui immemor fuerit, adeo secum ipso pugnaverit cap. 4., ut LINUM, & quod deterius est, eo defuncto CLETUM, &, hoc e vivis sublato, usque adeo CLEMENTEM PETRO, vel, quod modo in idem recidere patiar, *temporibus D. Petri Coepiscopum statuat?* Sed quid ista ego? sciebas utique, VIR CLARISSIME! non ita sensisse EUSEBIUM; sciebas, quamvis aut non inspectus abs te esset textus cap. 4., aut ex proposito verbis aliis productus. Sequitur itaque, ut non jama ignorantiae, nec præcipitis calami illud sit vitium, sed aliud, quod iterum Lectoris judicio committitur, de quo accusari debes. Nam hunc & ab EUSEBII mente abhorrentem sensum verba loquuntur tua, loquitur verborum cohærentia, loquitur illud maxime, quod LINUM,

NUM, quem dicas PETRO non superstitem fuisse, ad firmandum Colberti Catalogi assertum, & velut ex EUSEBIO tibi favente, in urbe Rōma PRÆFUISSE scripseris.

Sed ut firmius conjicio agam; dicam, quid adverterim tua illa in lucubratione. Causisti solcite, ne quem Eusebiana ex Historia texum referres, ex quo PETRI mortui LINUS Successor esse intelligeretur, non dico, ab rerum istarum, & historiæ peritis, atque singularia, quæ proponuntur, conferre invicem amantibus, sed qui, ut plurimumque sit, pagellas hujuscemodi volante oculo transcurrunt; oblitus priorum, cum ad posteriora deuentum fuit. NON hoc fecisti §. II., sed locos indicasti tantum; ut taceam in his quoque indicandis errasse te. Nam non cap. 2. 14. 24. junctis; sed vel cap. 2. 12. 16., vel cap. 2. 13. 14. 22. junctis scribere debuisti; nisi forte tu alia, quam quæ mihi est, græca, latinaque editione, aliterque capita distingue utaris. Quod si ira est; non dicam te errasse: quia, num erraveris, ignoro. NON §. III. ubi hæc solum lego ex cap. 14. In urbe vero Roma duodecim ANACLETUS annis in Episcopatu exactis Sacerdotii sedem CLEMENTI tradidit (quæ verba supra aliter citavi ego, magisque ad græcam literam exacta; sed litem super hoc nullam intento). NON §. IX. ubi id unum refers, non ex Historia, sed ex Chronico, quod PETRUS fuerit Christianorum Pontifex primus. NON §. XII. ubi repertis, quod adduxeras §. III., aliasque duos ex cap. 21. & 33. (mihi in versione 16. & 28., in græco 22. & 34.) textus subjungis; sed quorum uterque silet de LINO, ac ne id quidem exprimit, nisi collatio instituatur cum aliis, an ANACLETUS, aut CLEMENS Petro e vivis sublato successerint. NON ibidem sub asterisco, ubi ex cap. 16. (est & hoc mihi 16. in græco, in latino 12.) laudem dun taxat memoras, quam EUSEBIUS HEGESIPPO tribuit vocando eum testim valde fidem. Nam cetera, quæ adducis, ex Chronico sunt; cumque ea contraria plane Systemati tuo inveneris, concludis cum hac laude EUSEBII: "Hanc rationem temporum multi deserunt velut" incertam, ab EUSEBIO sine probationibus positam." NON §. XIII. ubi bis nomen EUSEBII, sed textus nullus occurrit. NON §. XIV. ubi rursus nominatur EUSEBIUS hac nova adjecta ei laude: EUSEBIUM in Chronologia Romanorum Pontificum cœcutiisse, aliud que

"que in Historia, aliud in Chronico fixisse tempus, docet Critica Pagii." NON §. XV. (& hic postremus est) ubi EUSEBII nomen recurrat. Quorsum jam ista tam solicita cautela? imo quorsum illud, EUSEBIUM sine probationibus figentem annos, saepe alios in Historia, alios statuisse in Chronico, ac cæcipientis se instar habuisse? nisi ut incautum distineres Lectorem, cui EUSEBIUS ad manum non est; quodque is in Historia, referente te, docuit, LINUM in urbe Roma PRÆFUISSE, id ad Coepiscopatum, sive Episcopatum, quem vivo adhuc PETRO fortitus sit, posteaquam ad tempus adjutor extiterit, referri posse crederetur. Hactenus velitatum fuit. Bellum nunc acrius instat.

§. VII. Cum §. V. dixisset VIR CLARISSIMUS: Sed eos (LINUM, ET CLETUM) mansisse adjutores usque ad mortem suam (nempe, qua ipsi obierunt: quamquam haud multum interfit, si etiam mors PETRI intelligeretur; quippe qui non semper ex mente CLARISSIMI VIRI Episcopatum particularem Romæ juxta generalem Primate Ecclesiæ gessit) cum, inquam, dixisset: Eos mansisse adjutores usque ad mortem suam, falsum est reclamantibus Patribus, & Catalogis, qui uno ore Successionem enunciant: cum gemino istud signasset asterisco, ac post sub eodem substantiam quidem successionis clare enuntiatam diceret, sed Chronogiam illam crucis aliis figentem, ipse destinaret cruci, nullamque ex ea suppositionem, argumentum nullum fieri permitteret: cum basin ex EPIPHANIO suam proferret: "Teneamus modò id, quod ponit S. Epiphanius hæresi 27. ATTAMEN Episcoporum in Româ SUCCESSIO banc CONSEQUENTIAM habuit: PETRUS, & PAULUS, LINUS, CLETUS, CLEMENS, EVARISTUS;" Rebus ad hunc modum ordinatis omnibus, ac velut acie instructa, quatuor non amplius Patrum, quibus Systema suum, & in Paragrapho assertum, & in consecutione apertius evolutum stabiliret, autoritate utendum putavit. Sunt ii TERTULLIANUS, & RUFFINUS ex latinis, EPIPHANIUS, & IRENÆUS ex græcis: quos qua ratione in rem suam verterit, & an feliciter tantis pugnarit ducibus; id nunc videre oportet.

§. VIII. Agmen, ut ipsi dicit, sic nobis ducere permittatur TERTULLIANUS. Atque is "Lib. de præscript. advers. hærer. cap.

C

" cap. 33. ait : *Smyrnæorum Ecclesia habens Polycarpum ab Joanne conlocatum refert, sicut Romanorum, CLEMENTEM à PETRO ORDINATUM refert: Comparatio inter Joannem, Polycarpum, & Smyrnæorum Ecclesiam, nec non inter Petrum, Clementem, & Romanorum Ecclesiam, hic à Tertulliano instituta, evincit, Clementem, à Petro Ecclesiæ Romanæ præfæctum fuisse Episcopum: tunc igitur, vivo adhuc Petro, jam decesserant Linus, & Cletus, qui pariter tempore Petri Romæ fuerant Episcopi successivi.*" Hactenus verba CLARISSIMI.

Sed num inspexisse eum TERTULLIANI locum putabitur? Cur igitur pro cap., quod est 32., citat 33.? aut si forsitan aberranti oculo vel calamo properanti istud sit tribuendum vitium, vel etiam in Typothetæ incuriam conjiciendum, cur ait hic comparationem institui a TERTULLIANO inter *Smyrnæorum, & Romanorum Ecclesiam &c.*? Atqui non Ecclesiam cum Ecclesia ille comparat; sed exemplum ab utraque sumit Ecclesia (vis quidem aliqua comparationis hic latet) quo id probet, quod objeccerat hæreticis. Verbo: bis ille uititur particula: *sicut.* *Sicut*, inquit, *Smyrnæorum Ecclesia &c., sicut Romanorum &c.* Atque hæc duo exempla ad illud refert, quod immediate præmiserat: *hoc enim modo Ecclesiæ Apostolicæ census suos* (id est, interprete Rigalio JCto: *origines suas*) deferunt: *sicut Smyrnæorum Ecclesia &c., sicut Romanorum &c.* nempe ad eum modum, quo Smyrnensis in Polycarpo, quo Romanorum in Clemente. Quare non est alia illius particulæ vis, quam si dixisset: *E. G. Smyrnæorum Ecclesia POLYCARPUM a JOANNE conlocatum, Romanorum CLEMENTEM à PETRO ordinatum refert.* Sed integer est producendus locus, ut appareat, quam aut nihil inde concludi possit in causam VIRI CLARISIMI, aut plane concludi debeat oppositum, quamque longe satius fecisset ipse, si eo sibi loco abstinentum duxisset. " Ceterum, si quæ (hæreses) audent interserere se ætati Apostolicæ, ut ideo videantur ab Apostolis traditæ, quia sub Apostolis fuerunt, possumus dicere: edant ergo origines Ecclesiarum suarum: evolvant ordinem Episcoporum suorum, ita per successiones ab initio recurrentem, ut primus ille Episcopus aliquem ex Apostolis, vel Apostolicis viris, qui tamen cum Apostolis perseveraverit, (quidam legunt: persevere-

rave-

raverint, sed nihil interest) " habuerit auctorem & antecessorem.
 " Hoc enim modo Ecclesiæ Apostolicæ (*id est: ab Apostolis, aut Apo-*
stolorum immediatis discipulis fundatae) " census suos deferunt: sicut
 " Smyrnæorum Ecclesia POLYCARPUM ab JOANNE conlocatum
 " refert: sicut Romanorum, CLEMENTEM a PETRO ordinatum
 " itidem. (legunt alii: *edit*, nulli, quod mihi constat: *refert*, quem
 admodum citatur a VIRO CLARISSIMO.) " Perinde utique (sunt,
 qui legant: *Proinde*, nec multum istud refert, quamvis prior lectio
 præponderare videatur) " & ceteræ exhibent quos ab Apostolis in Epi-
 " scopatum constitutos Apostolici seminis traduces habeant. Confin-
 " gant tale aliquid hæretici." En TERTULLIANI textum cum an-
 teccedentibus suis, ac consequentibus nexum, ex quo priusquam certa-
 re incipiam adversus VIRUM CLARISSIMUM, aliquid pro me con-
 cludere debo, soloque ob oculos habitu SEPTIMIO FLORENTE
 TERTULLIANO.

Est autem istud: TERTULLIANUM in ea prorsus opinione
 fuisse, POLYCARPUM in Smyrnæorum Ecclesia primum JOANNI
 Episcopum successisse, aut si non fuerit (*in sensu rigoroso*) illius Eccle-
 siæ Episcopus JOANNES, eo quod illi regendæ, administrandæque
 stabiliter sese non addixerit; auctor tamen aliquo modo, & antecessor
 extiterit, qui POLYCARPUM, eumque primum illa in sede collo-
 carit: similiter CLEMENTEM a PETRO eum in finem ordinatum
 fuisse, seu *χριστιανος* accepisse, ut aliquando primus ipsi in Romano-
 rum regenda Ecclesia succederet; Successionem etiam (quod & VIRO
 CLARISSIMO, & mihi falsum est, sicut & illud falsum habeo, quod
 de POLYCARPO ut primo Smyrnæorum Episcopo statuitur) pri-
 mum illam reipsa consecutum fuisse. Hoc enim colligo ex illis verbis:
 quod *evolutio poscatur ordinis per successiones ab initio decurrentis*; ex
 illis: *ut primus ille Episcopus*; ex illis: *quod sic Ecclesiæ Apostolicæ cen-*
sus suos deferant; ex illis: *quod sic deferant reipsa Smyrnæorum Eccle-*
sia, & Romanorum; ex illis, *quod perinde sic exhibeant ceteræ, pro-*
ferendo viros ab Apostolis in Episcopatu constitutos, *id est: vel talibus*
reaples præfectos Ecclesiis, cum non iis se ipsi addicebant; vel saltem
ordine Episcopatus donatos, ut, si vacare eas contigeret, succede-
rent; denique ex illis, quod non tale quidquam confingere possint hæ-
 retici.

retici. Videtur & Hieronymus citatus a VIRO CLARISSIMO §. II.
ad hunc respexisse TERTULLIANI locum, cum scripsit: *Tamen si
plerique latinorum secundum post PETRUM Apostolum putant fuisse
CLEMENTEM.* Respexit certissimè BELLARMINUS, cum Lib.
II. de Romano Pontifice cap. 5. ait: *Quidam post Petrum immediate po-
nunt Clementem, ut Tertullianus de præscript.* Adjungit quidem ille
HIERONYMUM in cap. 52. *Iſaiæ*, sed non eodem cum fundamento,
cum quo TERTULLIANUM (videat hic VIR CLARISSIMUS, quam
nec ipsi parcam Bellarmino, ut proinde querendum non habeat, si
minus sibi pareitum fuerit) nam HIERONYMUS illic solius quidem
CLEMENTIS meminit, qui post PETRUM Romanam rexerit Ec-
clesiam; sed non sic, ut concludere fas sit pro *immediata* successione.
Respexit certissime NATALIS ALEXANDER, cuius hæc verba lego
H. E. Sæc. II. cap. IV. A. VIII.: *TERTULLIANUS seriem Successo-
rum Sancti PETRI in Sede Romana describens lib. DE PRÆSCRIPTIONE
HÆRETICORUM, cap. XXXII.* (poterat hæc Natalis omittere: nam series
ibi nulla occurrit; nisi forte interminatam illam, & in qua duo soli
nominibus distinguntur, successionem pro serie acceptarit) *CLE-
MENTEM PETRO successisse immediate docet.* At nunquid adver-
sarios hic eos habeo, quos maxime nolle, Hagiographos Antver-
pienses Tom. VI. Septemb. in Lino pag. 540. ? fateor: sed sic adver-
sarii non sunt, ut VIR CLARISSIMUS eos pro causa sua producere
valeat. Horrent, totoque horrent corde, CLEMENTEM a vivo
PETRO, & qui non amplius Episcopatum Romæ particularem gesserit,
Ecclesiæ Romanae præfectum fuisse. Adversarii sunt, quod aliam ego,
aliam ipsi statuant TERTULLIANI mentem circa *immediatum* D.
PETRI, sed NB. ab ejus morte successorem: imo inspexisse videntur
TERTULLIANUM; & quamvis non idem, quod ego, inferant;
quin & typi vitium occurrat illic, cum lib. I. de præscript. adducunt,
qui non nisi unicus est (videat VIR CLARISSIMUS, quam nec meis,
mihique carissimis parcendum censeam) verisimilitudinem tamen il-
lationis meæ agnovisse, quando subjiciunt: "Siquis vero credere mal-
let, TERTULLIANUM revera credidisse POLYCARPUM pri-
mum fuisse (nempe a JOANNE) Episcopum Smyrnensem, CLE-
MENTEM vero primum PETRI in Romana Ecclesia Successorem,
dicen-

" dicendum esset, TERTULLIANO non satis fuisse perspectum ordinem Episcoporum utriusque Ecclesiæ, dum illa scripsit."

Regredior nunc ad VIRUM CLARISSIMUM; atque ex textu trun-
cato, & particula: *sicut*, mulctato pro se argumentantem: "Compa-
ratio, *ait*, inter JOANNEM, POLYCARPUM, & Smyrnæorum
Ecclesiam instituta evincit, CLEMENTEM à PETRO Ecclesiæ Ro-
manæ præfectum fuisse." Vidimus, comparationem, si in rigore
loquimur, non fecisse TERTULLIANUM, sed exemplum ab utra-
que Ecclesia cepisse ad ostendendum, quomodo Ecclesiæ Apostolicæ
census suos deferant, ordinemque successionis ab initio auctore aliquo, &
antececessore Apostolo recurrentis, evolvant. Quid igitur inferendum?
an POLYCARPUM primum fuisse, qui auctore, & antececessore JO-
ANNE Smyrnæorum rexerit Ecclesiam; imo ab ipsomet JOANNE
ea in sede conlocatus fuerit? Imo vero hoc ipsum est, quod ex TER-
TULLIANI colligebam verbis. An similiter CLEMENTEM, &
quidem omnium primo, auctore, & antececessore PETRO, Ecclesiæ Ro-
manæ præfectum, ita ut PETRUM inter & ipsum nullus intersit aliis
Romanæ Ecclesiæ Episcopus? quantum hoc obesset causæ VIRI CLA-
RISSIMI, qui duos interponit LINUM, atque CLETUM ab eodem
PETRO ad Ecclesiæ Romanæ gubernacula sublatos! posceret tamen
istud comparatio; imo posceret comparatio tam exacta, in qua PE-
TRUS JOANNI, POLYCARPO CLEMENS, Romanorum illi, quæ
est in Smyrnis, Ecclesia opponitur. Posceret, inquam, ut, quemad-
modum judicio CLARISSIMI VIRI JOANNES primus extitit Smyr-
næorum Episcopus, & PETRUS Romanorum primus; ita primus
utrumque, POLYCARPUS JOANNIS, PETRI CLEMENS (si nem-
pe TERTULLIANI sensum inquirimus, eoque stare, aut ex illo ar-
guere volumus) Successor agnosceretur. Aut an forte non putat ipse
primum fuisse JOANNEM, qui Smyrnæorum Ecclesiæ Episcopatum
particularem gesit? non enim omnium, quas fundabant, quasque ad
tempus regebant Apostoli, Ecclesiarum Episcopatum particularem ad-
iisse censendi sunt: quot enim hoc pacto Episcopatus particulares,
quot Cathedræ, quot Sedes singulis erigendæ forent Apostolis! quot
PETRO præter Antiochenam, & Romanam (addam, quoniam hic
nihil interest) præter Alexandrinam quoque, & Jerosolymitanam, si

quibus ita placeat! quot PAULO gentium Apostolo! quot JOANNI,
 qui, ut author est Hieronymus in Lib. de Scriptoribus Eccles., totas
Asie fundavit; rexitque Ecclesias! Verum si ita putat ipse, negatque
 ex TERTULLIANO consequens esse, JOANNEM primum fuisse
 Episcopum particularem Smyrnæorum; videat, ne non id quidem
 consequens sit ex Tertulliano, primum Romæ particularem Episcopum
 fuisse PETRUM. Atque ego quidem, si illo solum ex TERTUL-
 LIANI loco consecutio facienda esset, reipsa neutrū consequi affir-
 mo. Nimirum Author, & Antecessor Apostolus, qui primum quem-
 piam Ecclesiæ particulari præficit, quamvis esse possit illius Ecclesiæ
 particularis Episcopus, quod idoneis aliunde argumentis tunc firmā-
 dum erit, at non semper est, non necessario: neque idcirco *auctoris*,
 vel *antecessoris* nomine, quo hæc sensu vocabula Tertullianus capit,
 carere debet. *Auctor, & antecessor* TIMOTHEO extitit PAULUS,
 quem Ephesiorum ordinavit Episcopum: num quis propterea PAU-
 LUM Ephesinæ Ecclesiæ primum fecit Episcopum, puta *proprie*,
 vel qui ejus Ecclesiæ particulari Episcopatuī sese addixerit? ordinavit
 & TITUM, quem Cretensium præfecit Insulæ: an Cretensium id-
 circo Episcopatum primus gesisse dicitur? Absit tamen, ut, cum ad
 eum ista modum dispuo, iniquior aliquis me adsentiri putet Jansenistæ
 anonymo (Noverit hunc procul dubio **VIR CLARISSIMUS**, ut argu-
 mentum libri ante biennium editi necesse non sit proferri) dum hanc
 ille sibi visus est facere posse consecutionem: "Ex hoc textu patet
 " Apostolos a TERTULLIANO non reputari ut primos Ecclesia-
 rum, quas fundaverant, Episcopos; ab eodemque speciatim pro pri-
 " mo Romæ Episcopo haberi CLEMENTEM a PETRO, ut puta-
 bat, ordinatum." pag. 352. Non adsentior sane: quia, uti non AF-
 FIRMANTEM propositionem *auctoris* alicujus, vel *antecessoris* Apo-
 stoli Episcopatum ea in Ecclesia, cui post se primum dedit Episcopum;
 ita neque NEGANTEM illo solo ex textu, quippe qui ad utram-
 que sese perinde habeat, colligendam duco.

Sed video, quid potissimum sit cordi **VIRO CLARISSIMO**: Id
 ad minimum colligi autumat ex TERTULLIANO: uti a JOANNE
 conlocatus est Smyrnæorum in Sede POLYCARPUS, adeoque cer-
 tissime tunc vixit JOANNES, & non extitit illius Ecclesiæ Episcopus,
 PQ.

POLYCARPUS dum esse cœpit ; ita quoque Romanorum Ecclesiæ præfectum ab ipsomet PETRO CLEMENTEM fuisse, & hunc jam solum Episcopum, dum Episcopatum sibi a B. PETRO traditum consecutus fuisset. At neque hoc quomodo ex textu eruatur, intelligere possum. Si vivente PETRO & proprie Romanæ urbis Episcopum, & quem PETRUS ipse præfecerit, CLEMENTEM voluit TERTULLIANUS ; cur igitur non *uno balitu* dixit : *Sicut Smyrnæorum Ecclesia JOANNEM a POLYCARPO, & Romanorum CLEMENTEM a PETRO conlocatum refert?* cur alio usus est verbo, illum ut *conlocatum*, hunc *ordinatum* diceret? idemne est *conlocari*, & *ordinari*? & quamvis idem esse possit, quod ex adjunctis determinandum, velut cum HIERONYMUS in POLYCARPO ait, eum esse *Smyrnensis Ecclesiæ Episcopum ab JOANNE ordinatum*; num propterea idem hoc, qui adducitur, loco? Quam multi ordinantur, seu manuum impositionem accipiunt eo ab Episcopo, cuius nec tunc, nec postea unquam in Episcopatu particulari Successores evadunt? Nunquid, quos Apostoli reliqui ordinabant Episcopos, eos semper in particulari Ecclesia, si cui se addixissent, naesti sunt Successores? Satis erat ad TERTULLIANI scopum, si modo exemplis monstraret, qua ratione Ecclesiæ Apostolicæ census deferrent suos, seu consignarent origines. Ad hunc scopum valere credidit ea, quæ profert, POLYCARPI scilicet a JOANNE in Smyrnæorum Sede locati, & CLEMENTIS ordinati a PETRO. Valebant etiam ambo, si modo Smyrnensium ille primus a JOANNE, & hic primus a PETRO Romanorum Episcopus esset, sive jam a vivente Petro istam immitteretur in Sedem (quod diserte non exprimit, atque, ut puto, falsum habet TERTULLIANUS) seu ordinatus eo, ut succederet, fine, in illam vacuam a PETRI morte ingrederetur.

Pergit CLARISSIMUS : "Tunc igitur, vivo adhuc Petro, jam deceffrant Linus, & Cletus, qui pariter tempore Petri Romæ fuerant Episcopi successivi." Hoc an ex solo infert TERTULLIANI textu? an simul ex basi sua, quam ibidem præmittit ex EPIPHANIO, hanc volens nectere cum verbis TERTULLIANI? an ex his, simulque omnibus, quæ præmiserat de IGNATIO Martyre, Catalogo COLBERTINO, & EUSEBIO Cæsaréenf? Nam sequentia : *hoc tenuit*
Sæcū-

Sæculo IV. Ruffinus &c. confirmationis duntaxat gratia sunt adjecta, quæ argumenti jam ex integro formati vim, ac connexionem supponunt. Si primum; inepta valde est, & incohærens illatio. TERTULLIANUS num quid dixerat de LINO, & CLETO? Num dixerat id, ambos pariter fuisse Romæ tempore D. Petri Episcopos successores? Atqui CLEMENTEM a PETRO primum Romæ Episcopum statuit TERTULLIANUS, LINUM aut ignoravit, aut nonnisi PETRI adjutorem habuit: talisque si fuerit, sive vixerit, sive decesserit LINUS, cum Episcopatum adiit CLEMENS; nihil hoc interesse potest, ut suum sit pondus dicto *Tertullianæ*. Atque idem est de CLETO, nisi hic forte subjungendus est creditus CLEMENTI, uti in Catalogis a se productis subjunctum exhibent HENSCHENIUS, & PAPEBROCHIUS: quod quis divinet, quamdiu ipse silet TERTULLIANUS? Si alterum; cedo: quod hoc genus consequiæ? Ephanius ira ordinat successionem: *Petrus, Linus, Cletus, Clemens: Tertullianus ordinatum* a PETRO CLEMENTEM refert: ergo LINUS, & CLETUS jam decesserant, qui pariter tempore PETRI Romæ fuerant Episcopi successivi. An consentit EPIPHANIO TERTULLIANUS? an dissentit? si consentit; igitur a semetipso dissentiat necesse est, qui & LINUS, & CLEMENTEM primum PETRI Successorem putarit. Si dissentit; quæ vis poterit esse illationis ejus, quæ ex discrepantibus amborum sententiis non modo salvare vult assertam ab EPIPHANIO successionem; sed etiam LINI, & CLETI anteriorem CLEMENTIS successione mortem, tum utriusque, temporibus D. Petri, Episcopatum successivum in tuto ponere adlaborat? aut an forte illatio ita corollarium est praecedenti illationi, quæ ex persensa comparatione deducebatur, subnixum; quo pacto Mathematicis in disciplinis non raro corollaria invicem subnecti solent? ostendi praecedentem illam non substitisse; igitur ejus, quæ illi tanquam substrato uititur, haud secus elisa vis erit. Si denique tertium; præoccupata jam sunt omnia, ut, si neque IGNATIUS faveat Martyr, neque Catalogus ille COLBERTINUS, neque EUSEBIUS, neque nunc aut EPIPHANIUS, aut TERTULLIANUS; super his simul omnibus conclusio VIRO CLARISSIMO propitia ædificari non possit. Hæc de TERTULLIANO.

§. IX.

§. IX. Sequitur alter e Latinis RUFINUS. Verba sunt producenda primum, tum danda crisi. "Hoc (nempe utrumque, quod CLARISSIMUS ex TERTULLIANO collegit) tenuit sœc. IV. Rufinus, Presbyter Aquilejensis præsat, in 10. libros Recognitionum S. Clementis, ubi: quidam enim requirunt, quomodo, cum LINUS, & ANACLETUS in urbe Româ ante CLEMENTEM bunc fuerint Episcopi, ipse CLEMENS, ad Jacobum scribens, SIBI dicat à PETRO DOCENDI CATHEDRAM TRADITAM: cuius rei hanc esse accepimus rationem, quod LINUS, & ANACLETUS fuerint quidem ante CLEMENTEM Episcopi in urbe Româ, sed SUPERSTITE PETRO, videlicet, ut illi Episcopatus curam gererent, ipse APOSTOLATUS impleret officium: Et hoc modo UTRUMQUE VERUM videbitur, ut & illi ANTE CLEMENTEM numerentur Episcopi, & CLEMENS tamen POST OBITUM PETRI docendi suscepit sedem."

Hic quid prius dicam, quid posterius; vix invenio. Inspexi præfationem RUFINI: non: ANACLETUS, sed CLETUS; non: ESSE ACCEPIMUS, sed: ACCEPIMUS ESSE; non: FUERINT, sed FUERUNT, inveni: prorsus autem desideratur particula: VI. DELICET, quam velut ad textum pertinentem characteris ejusdem, qui in aliis RUFINI verbis conspicitur, adhibita forma ostendit. Desiderantur hæc quoque verba: *Sicut invenitur etiam apud Cæsaream fecisse: ubi, cum ipse esset præsens, Zachæum tamen a se ordinatum habebat Episcopum: quæ vel adponi debuerunt post illa: APOSTOLATUS impleret officium, vel textus abrupti, aut intercisi signum consuetum adjici, quod factum non fuit.* Hæc eo tantum pertineant, ut dijudicent alii, an RUFINUM præ oculis habueris VIR CLARISSIME, an ex eo citata verba transcriperis; quod qui facit, ne ordinem quidem is mutat verborum, nihil interserit de suo, nisi quod valeat dignosci; in nominibus autem propriis, ac controversiæ subjectis, num eandem rem, vel personam signent, id cavit sollicite, ne unum pro alio substituat; denique si abrumpit, si intercidit textum, consueto Lectorem signo monere non prætermittit.

Cur autem callide dissimulas Libros 10. recognitionum non esse S. CLEMENTIS? Cur illud quoque: apocryphas & prorsus suppositicias
D

sitias esse epistolas ejusdem ad JACOBUM fratrem Domini ? an ne-
scisti hæc ? nempe qui scis, quidquid ex ISIDORI officina falsarum
uspian est decretalium Romanis Pontificibus, & nominatum huic etiam
S. CLEMENTI inscriptarum : qui legisti, quæ disputat NATALIS
H. E. Sæc. I. cap. XII. A. XII. adversus epistolas, & A. XIII. adversus
hos ἀναγνωστοὺς libros, & NATALI, si sapis, hac in parte dissen-
tire non voles : qui, ut criticen profiteris, atque in IGNATIO Mar-
tyre discrevisti tam pulchre, quid genuinum, suppositum, aut du-
biæ fidei sit habendum, utique alterutrum sentire debuisti, ut utrum-
que illum fæcum, quem pro genuino habere non possis, vel dubiæ
fidei, vel suppositis plane Patrum operibus adnumerandum duceres.
An imponere volebas Lectori, ut, cum Scriptorem tam antiquum, &
HIERONYMO coævum præfari legeret in *recognitionum* libros, cum
mentionem cerneret fieri epistolæ CLEMENTIS ad JACOBUM
scriptæ, cum CLEMENTEM ipsum ea in epistola dicentem audiret,
SIBI A PETRO DOCENDI CATHEDRAM TRADITAM ; cura
jam omni, quid de libris, quid de epistola sentiendum foret, exem-
pus, RUFINI & nomine, & authoritate satis se tutum existimaret ?
Nempe sic fallere voluisse turpius etiam foret, quam ignorasse : neque
hanc nomini vel officio tuo maculam inustam voles. An nihil tua
interesse ducebas, ut suppositionem, quam scivisti, proderes, ideo-
que integrum tibi es fore ratus, ut *recognitionum* libros sub solita epi-
graphe, & RUFINI ex præfatione verba suo in ordine sine inter-
jectis, vel subjunctionis scholis adduceres, quibus, quid rei subsit, lecto-
res improvidi sæpe, minusque rerum istarum solicii admonerentur ?
Imo vero nihil hoc intererat tua, sed causæ oberat plurimum, al-
ter si fecisses. Etenim cum sic vidisset Lector & deceptum RUFI-
NUM, cum *recognitionum* libros S. CLEMENTI tribuit, & decep-
tum quoque, cum eidem adjudicat epistolam ad JACOBUM, & unice
huic subnixum epistolæ ea invicem conciliare, quæ aliunde pro com-
petitis habita pariebant difficultatem, nec cum epistola componi posse
videbantur ; hæc, inquam, cum videret Lector, RUFINI quidem ex
authoritate argumentum formari nullum, aut perelegui illud ponderis
intellexisset ; imo tantundem esse, ac si RUFINUS productus non
fuisset. Adverterunt id ante me Viri summa cum laude memorandi

Hagio-

Hagiographi Antverpienses, cum ad objectam hanc sibi, pluribusque adductam verbis præfationem RUFINI, subjiciunt illico : " *Ita Ru-*
 " *finus, ut epistolam supposititiam Clementis ad Jacobum conciliet cum*
 " *opinione Romanorum de primis Pontificibus. Verum cum epistola Cle-*
 " *mentis ad Jacobum fratrem Domini manifeste sit supposititia; . . .*
 " *veniam quidem meretur Rufinus, sed auctoritatem habere hic nequit.*
 " *Etenim cum ratio ipsius unice ex assertis illius epistole videatur petita;*
 " *Rufinus majorem fidem non meretur, quam ipsa epistola supposititia,*
 " *quam imperite pro authenticâ obtrusit. Tom. 6. Septemb. in Lino.*"

Hæc isti. Quid igitur concludam ? nempe hoc : valere pro se **VIR CLARISSIMUS RUFINI** voluit auctoritatem : verba ipse valere voluit, quæ prout ad propositum magis, minusve facere viderentur, majori etiam, minorive charactere distinxit: igitur dissimulandum saltem, tegendumque fuit sollicite, unde auctoritas elideretur, verbisque omne pondus deficeret.

Agerem non callidæ solum dissimulationis, sed etiam fraudis reum, cum CLETUM in ANACLETUM mutasti, si RUFINUM abs te crederem inspeçtum. Nam non casu istud, non præeunte alterius deceptione, sed de industria tunc factum appareret, ut RUFINUM iis, qui non secernunt a CLETO ANACLETUM, adjungeres. Agerem reum, quod verba suppresseris illa: *Sicut invenitur &c.* Non enim tunc suppressurus eras, si favere tibi existimares: & favissent aliquantum, si hoc exponeres modo: uti ZACHÆUS verus fuit Cæsareæ Episcopus, præsente licet PETRO, nec PETRUS, quamvis præsens, Cæsareensem gessit Episcopatum, ad quem ordinaverat ZACHÆUM; ita LINUS, & CLETUS, quos Romæ PETRUS ordinavit Episcopos, veri fuerunt Episcopi Romani; & PETRUS, quem aliunde constat iis in Episcopatu præesse, saltem non retinuit tunc, cum LINO primum, ac post CLETO Episcopatus curam tradidit, ut ipse APOSTOLATUS impleret officium. Poterant autem & nocere, si quis diceret ZACHÆUM hic tantum adduci velut ordinatum a PETRO, & adjutorem interim, dum Cæsareæ moraretur PETRUS: nec si Episcopus evasit Cæsareæ, id factum prius, quam PETRUS abiens hanc illi cathedralm stabiliter consignarit. His utrimque adductis, si nihilominus suppressenda putasses verba, nocere saltem ma-

gis, quam favere credidisses, nec proinde suppressio a fraude liberari posset.

Dices nunc mihi, **VIR CLARISSIME!** id tamen manere verum, quod asserueras: nempe HOC, quod ex TERTULLIANO vel solo, vel aliis suffulto præsidii colligebas de obitu LINI, & CLETI, antequam moreretur PETRUS; item de horum *Episcopatu successivo*, successione quoque CLEMENTIS vivo adhuc PETRO facta, tenuisse RUFINUM AQUILEJENSEM illum PRESBYTERUM. Dare id possum, quod dicas de obitu LINI, & CLETI; quamvis ex RUFINO haud quaquam sit consequens. Nam verba illa: *Superstite Petrus*, non id necessario significant, PETRUM LINO, & CLETO superstitem fuisse, vel ambobus illis supervixisse, cum & hunc communem habent sensum: duos illos *Episcopos* fuisse in urbe Roma (id est: ordine *Episcopatus donatos*) quo tempore *superstes in vivis* extitit PETRUS, imo ante CLEMENTEM hoc consecutos esse, ut Episcopi fierent: id quod totum subsistere potest, atque etiam cum eo, quod *Episcopatus* ipsi *curam* gesserint, quamvis non modo non iis superstes PETRUS, sed ipsi potius PETRO superstites vixerint. Dabo tamen, & plane gratis hoc tibi unum, ne nihil largitus videar: cum in ceteris RUFINO prorsus aliam infidelle mentem non jam probabo, sed demonstrabo; quin etiam secum ipso, & ad evidentiam pugnatum exhibeo RUFINUM, tibi si consensisse statuis.

Audiamus primo, quid PSEUDO-CLEMENS in epistola prima ad JACOBUM (& hæc illa est, qua RUFINUS nititur) circa se contigisse narret: "In ipsis autem diebus (quibus vita finem (PETRUS) sibi imminere præsensit) in conventu fratrum positus, apprehensa manu mea repente conjurgens, in auribus totius Ecclesiae hæc protulit verba: Audite me fratres, & conservi me! quoniam, ut edocitus sum ab eo, qui misit me, Domino, & Magistro meo JESU CHRISTO, dies mortis mee instat; CLEMENTEM hunc Episcopum vobis ordinio, cui SOLI mee prædicationis, & doctrinae cathedram trado." NB. Hæc prope omnia, quamvis non consuleres Epistolam, & speciatim postrema, in quibus potissima vis est, legere poteras eadem Causa VIII. eadem quæstione prima, Canone mox post famosum tuum altero. An legisti? vix dubitare possum. Videamus nunc, quid difficult.

ficultatem moverit RUFINO, epistolæ quoque illius interpreti : sunt, ut liquido apparet, ea verba : *cui SOLI mæ prædicationis, & doctrinæ cathedram trado.* Ex quibus inferre licet : ergo prædicationis, & doctrinæ cathedram eo usque retinuit PETRUS ; ergo nemini alteri, præterquam CLEMENTI, tradidit. Sed quomodo hoc conciliabitur cum eo, quod LINUS, & CLETUS ante CLEMENTEM enumarentur Episcopi ? En nodus, quem dissolvendurn suscepit RUFINUS ab iis verbis: *cuius rei hanc accepimus esse rationem.* Inspiciamus jam denique, ac plane demonstremus, nec consensisse RUFINUM (prætermisso illo, quod gratis dedi) VIR CLARISSIME ! tibi, nec consentire potuisse. Edic : quid est prædicationis illa, & doctrinæ, vel, ut uno verbo RUFINUS in præfat., docendi cathedra, quam sibi, & NB. SOLI CLEMENS a PETRO traditam ait ? an quid aliud, quam Cathedra Episcopalis ? an Episcopalis alia, quam Romana ? an aliud Cathedra Episcopalis Romana, aliudque Episcopatus Romanus ? Sed quid sciscitari est opus ? docendi cathedra, vel ipso te judicante, illud est, quod CLEMENS sibi a PETRO etiamnum vivente traditum accepit, posteaquam nempe jam LINUS, & CLETUS diem suum obiissent ; est Prefectura Romæ Ecclesiæ non qualisunque, sed in omni rigore Episcopalis. Nam ita sentit TERTULLIANUS : hoc, quod iste, tenuit RUFINUS : & uterque id, quod CLEMENS : RUFINUS duntaxat in exponendo, quomodo cum LINI, & CLETI Episcopatu pariter rigoroso, & ante CLEMENTEM gesto res ista concilietur, laborat. Hæc tua, VIR CLARISSIME ! sententia. Fixum ergo, firmumque sit docendi cathedram esse Episcopatum Romanum. Atque ut rursus ex propriis tuis tecum agam ; nunquid sedere jam cœperat CLEMENS, dum Ss. Ap stoli Romæ subierunt martyrium ? Si cœperat ; igitur in CATHEDRA : nam scilicet sine cathedra cogitari non potest. Si autem in cathedra ; an in alia, præterquam Romana, sive ista, in qua primus federat Apotolorum Princeps PETRUS ? Imo si ex contextu Clementinæ epistolæ arguere veilem ; evidens facerem, ea de cathedra sermonem esse, quæ jam tum alligatum habebat, ac semper habitura fuit Primatum, & quam si traduceret PETRUS, Primatum una tradi significaret. Sed malo hic argumento uti, quod vocant ad hominem : ex concessis, inquam, abs te, qui statuis Primatum

D 3

PE-

PETRO vivente nulli adhucdum Ecclesiæ, adeoque nec Cathedræ unī certæ, ac stabili affixum, qui nihilominus PETRO Cathedram trubisti, & hanc Romæ, & plures in eadem Romæ cathedra, & inter hos quoque CLEMENTEM ipsum *Petro etiamnum superstiti* successisse apertis omnino verbis prodidisti, arguere malo, ut firmum inter nos illud, atque inconcussum maneat, *docendi cathedralm*, quidquid ei seu colligatum fuerit, seu non fuerit, esse Episcopatum Romanum, & esse ex ipsius etiam mente RUFINI. Ex hoc autem velut jam axiomate inter nos constituto, cui hoc aliud addo, atque æque ex mente RUFINI certum: adire Episcopatum Romanum est *docendi suscipere sedem*, sic mathematica progredior methodo.

Prop. 1. PETRUS Episcopatum Romanum tradidit CLEMENTI, & quidem SOLI. Nam CLEMENTI & quidem SOLI tradidit *docendi cathedralm*. Et hæc idem, quod Episcopatus Romanus: ergo. *Prop. 2.* PETRUS retinuit Episcopatum Romanum, saltem usque dum tradidit CLEMENTI: Nam eo usque retinuit *docendi cathedralm*, quæ est Episcopatus Romanus; & hanc SOLI tradidit CLEMENTI: igitur ante CLEMENTEM nulli: igitur retinuit. *Coroll. 1.* Falsum est LINUM & CLETUM ante CLEMENTEM fuisse *Episcopos successivos*, scilicet in sensu VIRI CLARISSIMI, PETRO non tunc amplius retinente Episcopatum Romanum, sed solum *Apostolatus Primum*, falsum, inquam, id tenuisse RUFINUM. *2.* Igitur quod ait RUFINUS, eos ante CLEMENTEM *Episcopos in urbe Roma fuisse*, id de Episcopatu hoc *successivo* intelligi non potest. *3.* Igitur nec illud, eos *superstite PETRO Episcopatus curam gessisse*. *Prop. 3.* CLEMENS potest obitum PETRI adiit Episcopatum Romanum. Nam post obitum Petri *docendi suscepit sedem*. Et hanc suscipere idem est, quod adire Episcopatum Romanum: ergo. *Coroll. 1.* Quod RUFINUS ait de traditione Cathedræ a PETRO vivente facta, id eo intelligi nequit, ut jam tum adicerit Episcopatum CLEMENS. *2.* Igitur & potest, & debet sic intelligi, quod PETRUS, cum jam mortem suam proprius instare cerneret (*ex epist. Clementis*) hunc designarit quidem, proposuerit, ordinari, qui succederet, aut, ut aliter rem dicamus, quod testamento quidem (sed hoc nonnisi *in mortuis firmatur*) Episcopatum tradiderit, non autem cum abdicatione propria, vel *pleno*, quod

quod ajunt, *jure* in eum vivus immiserit. 3. Igitur RUFINUS non tenuit CLEMENTEM vivo adhuc PETRO successisse, scilicet in sensu VIRI CLARISSIMI. Q. E. D. Potest nunc alterum illud, scilicet RUFINUM secum ipso, & ad evidentiam pugnasse, si VIRO CLARISSIMO consensisset, breviter expediri. Nempe sic arguo: pugna evidens est CLEMENTI SOLI, & non SOLI traditum a PETRO esse Episcopatum Romanum; pugna evidens Episcopatum adisse post obitum, quem jam tum vivente PETRO plenissime fit consecutus. Atqui haec unus, idemque asseruisset RUFINUS: pugnaret igitur secum ipso, & ad evidentiam, si VIRO CLARISSIMO consentiret. Q. E. D.

Supereft, ut nunc ipse interpreter RUFINUM, genuinumque ejus sensum Lectori ob oculos ponam. Interpreter vero ad hunc modum: quod LINUS, & CLETUS fuerint quidem *Episcopi in urbe Roma* (quemadmodum nunc est Augustæ Trevorum ILLUSTRISSIMUS HONTHEMIUS) sed *superstite PETRO* (sicut superstite etiamnum SERENISSIMO CLEMENTE WENCESLAO, superstite etiam ipfi, si ex annis conjectare licet, futuro, est idem HONTHEMIUS) *ut illi Episcopatus curam gererent* (sed vicariam, quemadmodum eam, quæ est in Pontificalibus, nunc Treviris gerit HONTHEMIUS, & quondam utramque in Pontificalibus scilicet, & Spiritualibus coniunctam tenuit ILLUSTRISSIMUS EYSSIUS pro merito, ac summopere in Trevorum Historia diplomatica commendatus ab HONTHEMIO) *ipse Apostolatus impleret officium* (quod perperam interpretatur CLARISSIMUS Primatum Apostolatus, cum potius missionem signet illam omnibus ex æquo Apolois communem, qua prædicare ubique, ubique Ecclesias fundare, & instituere &c. jubebantur: nam fuit omnibus suum Apostolatus officium, illudque *pro rata* singuli impleverunt). ET HOC MODO UTRUMQUE VERUM VIDEBITUR; *ut & illi ANTE CLEMENTEM numerentur Episcopi* (Vicarii in sensu jam exposito) & CLEMENTIS tamen POST OBITUM PETRI docendi suscepit sedem (quam nunquam ex RUFINO consecuti sunt LINUS, & CLETUS, sicuti saepissime non consequuntur, qui modo sunt Episcoporum Vicarii, vel quia ipsi decedunt prius, vel quia in defuncti Episcopi locum non eos eligi contingit) suscepit, inquam, primus in rigore post D. PETRUM, & quidem nonnisi post ejus obitum

tum Romanorum Episcopus; quamvis a vivente adhuc PETRO Episcopatum eum velut testamento sibi traditum habuerit. Nullum refuso, qui judicare possit, hujus interpretationis Judicem.

§. X. Expeditis hunc ad modum latinis, quos tam confidenter causæ suæ patronos adscivit VIR CLARISSIMUS, ordo nos ad græcos provexit Patres EPIPHANIUM, & IRENÆUM. EPIPHANIUS quantum pro ipso militet, hoc primum constituamus. Ac certe non magnum hoc a duce præsidium sibi auguratur. Systema enim suum quando proposuit ex RUFINO, TERTULLIANO, &c, si hoc ei concedere fas sit, ex præcedentibus simul omnibus collectum; jam tunc lucri aliquid se retulisse credit, dummodo illud non rejiciat EPIPHANIUS. Evidem rejectum fuisse, quo id supra modo in RUFINO præstiti, sic quoque iſthic ad evidentiam demonstrabo. Sed sequamur tantisper VIRUM CLARISSIMUM.

" Hoc, inquit, systema S. Epiphanius loc. cit. non rejicit." Locus autem, ut ab ipso citatus, ex Haeresi 27. sic habet: " ATTAMEN Episcoporum in Româ SUCCESSIO banc CONSEQUENTIAM babuit: PETRUS, & PAULUS, LINUS, CLETUS, CLEMENS, EVARISTUS." Quo adducto jubet omnino videri EPIPHANIUM. Commode profecto accidit, quod jubenti obtemperarim. Sed anne ipse fecit, quod jussit? Addit: " Successionem quidem unius post alterum positivè adstruxisse: tempus autem prudenter in medio reliquisse." Primum conceditur ei: alterum, sive per *tempus* intelligat definitum illud, id est, *Chronotaxis*, sive indefinitum, ut si queratur, an PETRO vivo, an mortuo Episcopatum adierit LINUS, una eademque opera falsitatis convincet demonstratio mea.

Redeamus ad locum, a quo digressi sumus. Proponit mox VIR CLARISSIMUS objectionem, quæ formari posset adversus *Successionis substantiam*, ita solutam ab EPIPHANIO: " Et nemo miretur, quod ante ipsum (Clementem) alii Episcopatum assumperint: cum sub Apostolis hic fuerit contemporaneus Petri & Pauli; nam & illi (CLETUM intelligit, & LINUM) contemporanei Apostolorum fuerunt." Admittitur solutio, & ut satis apta, dummodo per *successionis substantiam* haud aliud, quam Personarum successionem VIR CLARISSIMUS intel-

intelligat. Si enim præconceptam hypothesin de successione viventi PETRO facta hic immiscere vellet; obstat, quam sum pollicitus, demonstratio. Est autem apta satis illa solutio, quoniam haud ægre id assequetur quis, ex tribus PETRO contemporaneis, eorum quemque, servato inter se ordine, etiam post illius obitum succedere potuisse.

Prosequitur citationem: " *Sive igitur, ADHUC IPSIS (Lino & Cleto) SUPERSTITIBUS, à Petro accepit (Clemens) impositionem manum Episcopatus, sive POST APOSTOLORUM SUCCESSIONEM à CLETO Episcopo hic constituitur, NON ITA CLARE SCIMUS.*" Huic textui glossa subnectitur: " agnoscit, & profitetur (*Epiphanius*), non esse ita clarum, an S. Clemens à Petro fuerit ordinatus, *vivis* adhuc Lino, & Cleto; an autem modò post illam successionem, quā Linus, & Cletus pervenerunt ad Episcopatum Romanum, atque adeò post Apostolorum tempora, ordinem Episcopalem acceperit à Cleto." Verum ex parte afferit VIR CLARISSIMUS; partim autem vel ignorantiae, vel præcipitationis tenet reus (nam dolum quis suspicari possit?) si persuadere voluerit, EPIPHANIUM eam agnovisse successionem in LINO, & CLETO, quæ viventi sit facta PETRO; hæsitasse autem duntaxat, an *vivis* Lino & Cleto per ipsum PETRUM; an potius a CLETO, quem PETRUS superstitem sibi habuerit, ordinatus sit CLEMENS. Nam primum non subsistere, planissimum faciet demonstratio.

Pergit citare amplius: " Veruntamen etiam hic (Cletus) potuit, SUPERSTITIBUS ADHUC APOSTOLIS, Petro videlicet & Paulo, alias Episcopos constituere, propterea, quod Apostoli sæpè ad alias terras ablegabantur propter Christi prædicationem: NON POTUIT AUTEM URBS ROMA SINE EPISCOPO ESSE; Paulus enim in Hispaniam profectus est, Petrus verò Pontum, & Bithyniam sæpè numero peragravit." Glossa hic subjecta est: meam sententiam proponit (*Epiphanius*), tanquam id afferentem, quod etiam fieri potuit." Tuamne, inquam ego, sententiam isthie proponit EPIPHANIUS? In quibus ergo verbis? An quod *superstitibus* adhuc *Apostolis* Episcopos potuerit constituere CLETUS? At hoc potuit, dummodo ordinem haberet Episcopalem, quamvis PETRI

E

IN

IN EPISCOPATU SUCCESSOR necdum existeret; imo quamvis eidem conviveret LINUS, & ipse eodem Episcopali charactere donatus, & ambo tunc, eodemque tempore nonnisi PETRO ab auxiliis forent. An quod URBS ROMA ESSE NON POSSET SINE EPISCOPO? An quod Pontum s̄epe, & Bithyniam peragraverit PETRUS? an in utrisque istis: eo quod scilicet PETRO s̄aepius absente carere interim non posset Roma Episcopo, qui ea, quae sunt Episcopalis tum Ordinis, tum officii alterius, ut prædicationis, jurisdictio-
nis, & quae istius sunt generis, administraret? miserum argumentandi genus, & huic simile: Si quando contingat, ut SERENISSIMUS CLEMENS WENCESLAUS Augustanum suum migret in Episcopatum, præsertim si vel necessitas, vel utilitas longiorem illic moram requireret, carere interim non potest urbs TREVIRORUM, & multo minus vastissima ejusdem nominis ARCHIDIOCESIS Episcopo, qui ea, quae Episcopalis sunt muneris, atque ordinem saltem Episcopalem requirunt, administraret. Ergo signum id est, SERENISSI-
MUM cellisse Archiepiscopatu; signum quoque & Successorem ei da-
tum fuisse, & dari debuisse. Apage. De cetero rursus ad demonstratiouem provoco, quae clara ponet in luce, ne somniaffe de hoc qui-
dem EPIPHANIUM.

Ultimus sic sonat textus: "Ac fieri sanè potuit, ut PRIMUM CLEMENTE CONSTITUTO, cùm recusaret Clemens (SI MO-
DO SIC FACTUM EST; rationem enim sic ineo, non decerno)
POSTEA POST OBITUM LINI, & CLETI, quorum uterque
Episcopatum ad duodecim annos tenuit, POST S. PETRI, &
PAULI OBITUM, qui contigit DUODECIMO ANNO NE-
RONIS, hunc rursus coactum esse ad suscipiendum Episcopatum." De industria sic distinxii textum majori, minorive charactere, commatis etiam ipsis, sicut distinguebat CLARISSIMUS: sed unum comma fatale est ipsis, totiusque deceptionis origo, non dicam, qua decipere alios voluerit, sed qua deceptus ad minimum ipse sit, ut ostendet demonstratio.

Subjicitur: "Hic eorum refert sententiam, qui Clementem à Petro
designatum esse successorem, & sic Secundum extitisse autumant, de-
signatione quidem, sed non eventu, quia Clemens recusasset." Ego vero

vero priusquam ad demonstrationem progrediar, hoc advertendum habeo. Major typus in his verbis: *ut PRIMUM CLEMENTE CONSTITUTO*; majorque iterum in ipsis: *SI MODO SIC FACTUM EST*, ~~et regere~~ non hoc quidem evolutam loco, sed tamen §. VIII. apertius se prodentem exprimit, ubi haec lego: *quod multi crediderint, Clementem a S. Petro propè exitum vitæ successorem sibi designatum esse, sed rem mali exempli (ex hoc potius cense fabulam, Petro utique istud non datus) displicuisse Clero, Populoque Romano, cui S. Clemens cesserit, electis Lino, & Cleto, quibus modo defunctis electus sit tertio post Apostolos loco.*

CLARISSIME! si hoc potius fabulam habeas, *CLEMENTEM a S. Petro prope exitum vitæ successorem sibi designatum esse*, cur citasti RUFINUM? Cur in RUFINI verbis *CLEMENTEM* ex epistola ad JACOBUM? Atqui nihil certius, quam hanc in epistola memorari designationem; nihil certius, quam veram illam ab RUFINO habitam. Tibi igitur non haec fabula videri debuit, si inspiceres authores, si conferres inspecta, ac non pridem jam ea, quæ invicem cohærere non possunt, chartis tuis committere assuevisses. Imo ipse EPIPHANIUS non aliam nisi hanc respexit, ac respicere potuit designationem; nullatenus autem eam, qua PETRUS sibi vivo surrogare primum voluerit *CLEMENTEM*; sed hoc recusante, surrogarit LINNUM, & LINO mortuo CLETUM, ac tandem CLETO etiam superstes surrogarit *CLEMENTEM*: nam vocat tandem res, ut demonstrem, quam sis lapsus in EPIPHANIO, quamque ne possibilem quidem, aut tolerabilem tuam ille habuerit sententiam, quam etiam Systematis, seu justæ coordinationis nomine honestatam obtrudis. Hoc ut fiat, græcum audire debebimus EPIPHANIUM nativo suo in sermone apertius, quam in latino loquentem. Non autem alium, quam ultimum illum producam textum: ubi quoad ejus fieri poterit, græcis singulis (articulos excipio) latina singula subjiciam vocabula, inconcinne quidem prorsus, ac barbare; quod tamen, ubi eundem servavit modum in Bibliis interlinearibus Arias Montanus, mihi virtus verti non debet. Absit, idcirco ut faciam istud, tanquam si te græci hospitem sermonis habereim. Nam quæ suspicio tam sinistra cadat in virum, qui legendo, & arguendo totum peragravit antiquum Latium,

Græciamque? Finis hic tantum est, ut videant omnes, quanta cum fide agam, utque ii etiam, qui prima tantum gustarunt istius linguae rudimenta, vim demonstrationis, ac promissum hujus non inane a me datum fuisse, perspiciant. Loquatur ergo & GRÆCUS, ac GRÆCE nobis jam loquatur EPIPHANIUS.

ἐνεχωρει δε μετα τη κατασαθηναι κλημεντι, και παραιτησαθαι (ειγε Fieri poterat vero post constitutum esse Clementem, & recusasse (si tamen επτως ἐπερχθη, διανομαι γαρ, οχι ιερομαι) οὐδεον μετα τη τετελευτηνοι sic contigit: conjicio enim, non definio) postea post mortuos esse θινον και κλητον ἐπισκοπευσαντας προς δεκαδυο ετη, έκαστον μετα την τη Linum & Clerum Episcopatu functos ad duodecim annos, unumquemque post αγιοι πετροι και παυλοι τελευτην, την επι τω δωδεκατη ετει νεωνος ιερομενην, Sancti Petri & Pauli mortem, in duodecimum annum Neronis incidentem, την αυθις αναγκασθηναι την ἐπισκοπην κατασχειν. hunc rursus coactum esse Episcopatum suscipere.

Vis, ac velut *axioma* demonstrationis, qua VIRI CLARISSIMI Systema non modo non inter *possibilia* propositum, sed rejectum plane ab EPIPHANIO fuisse, atque hunc S. Patrem de illa tantum successione, quæ a Petro mortuo locum habuerit, loqui conficio, in his continetur verbis: ἐπισκοπευσαντας προς δεκαδυο ετη, έκαστον μετα την τη αγιοι πετροι και παυλοι τελευτην; ubi cum comma nullum intersit inter έκαστον & μετα; præcesserit autem post δεκαδυο ετη, perspicuum hic plane offertur sensus, Linum atque Clerum Episcopatu functos esse ad duodecim annos, sed NB. UNUMQUEMQUE EORUM, seu SINGILLATIM AMBOS post PETRI, PAULIQUE OBITUM, ita ut duodecim post hunc obitum consignentur LINO, totidemque attribuantur CLETO; atque ut CLEMENS denique post 24. a PETRI morte, vel circiter annos (non enim juxta EPIPHANII hoc quidem loco sensum prius contigisse potest mors CLETI) Episcopatum capessere sit coactus. An concedis *axioma*? seu an admittis EPIPHANII eum in verbis a me adductis sensum? an admittis quoque perspicuum, neque opinantis, aut dubitantis instar propositum? Ecce igitur rem unico confectam syllogismo: EPIPHANIUS suo loquens ex sensu, perspicue omnino, neque vel hæsitando, vel opinando, tam

tam LINUM, quam CLETUM facit superstitem PETRO, & utrique singillatim duodecim, vel circiter assignat annos, sed a Petri obitu supputandos, quibus Romanam rexerit Ecclesiam, illius Ecclesiæ Episcopus. Hoc autem, & qui ita loquens facit, is primo tuum illud Systēma rejicit. Is secundo in verbis mox consequentibus: *Attamen Episcoporum in Romā successio* (nam inspice EPIPHANIUM, & consequētia videbis esse, quæ tu primo produxeras loco) de illa tantum successione se loqui monstrat, quæ a PETRI morte locum habuerit. Is tertio in præcedentibus nequidem id fieri posse dicit (seu non verisimilium instar, aut tolerabilium loco habuit) ut PETRUS vivus abdicarit Episcopatum; ut duos, sibique præmortuos in eo Successores LINUM, atque CLETUM habuerit ipse utriusque superstes. Ergo &c. Q.E.D. Non enim video, quid adversus secundæ propositionis membrum ullum valeas excipere; primam illam, si absolute, ac *simpli*citer, ut loquimur, concedendam duxeris. Restat igitur, ut omnem expromas vim tuam adversus propositionem primam vel tricando, ut vim *axiomatis* habere non posse videatur; vel negando id quidem sensisse EPIPHANIUM, nendum dixisse perspicue, duodecim illos LINI, CLETIQUE annos a PETRI obitu supputari oportere.

Quid autem tricaberis? Dicesne, quod de supputatione ista constitui, id ad summum velut *possibile*, aut aliorum ex opinione prolatum ab EPIPHANIO fuisse? Teneo te irretitum: non hoc fieri potuit; sed, ut ipse dicis in Thesi sexta, contigit juxta Epiphanium, ut mors PETRI, & PAULI in annum Neronis duodecimum incideret. Ergo sic contigisse sensit EPIPHANIUS: ergo idem sensit de annis, quos LINO, & CLETO, & utrosque a PETRI morte supputandos, consignat. Sed tamen "Epiphanus agnoscens suo jam & vix variare opiniones, in suâ definitione contentus fuit successionis substantia"; (ita te scribere video Theti XVI. in asterisco) "extra vero suam decisionem, dum refert opinionem ultimam, incidenter immiscer, tam Linum, quam Cletum sedisse ad duodecim annos, & Petri obitum contigisse duodecimo Neronis anno." Subjicis: "non habet S. Pater hic sibi consentientes omnes." En novos, in quos te induisti, casses! EPIPHANIUS, quamvis incidenter, de suo tamen, quoniam non habet hic sibi consentientes omnes, PETRI mortem ad duodecimum refert Neronis annum;

num; de suo, quamvis *incidenter*, duodecim illos annos tam LINO, quam CLETO tribuit: ergo & de suo, quamvis *incidenter*, duodecim illos *singillatim* annos a Petri morte computandos docet. Verbo: igitur tota illa *incidentis* propositio: ἐπισκοπευομέντας προς δεκαδυού ἔτη, ἐκεῖνοι μετὰ την τοιάγια πετρην καὶ πωλει τελευτην, την ἐπι τῷ διαδεκτῷ ἔτει νεωνος γενομένην, & EPIPHANII est, & EPIPHANII sensum exprimit, quamvis in eo non sibi habeat consentientes omnes, & vel maxime non habeat te, qui LINI & CLETI Episcopatum successivum in ipsa PETRI tempora conjicis, imo sic conjici posse duce, & auctore EPIPHANIO propugnas.

Tricari cum non conceditur; sine, videam, quid possis negando. Negasti, fateor, ac negare debuisti in Thesibus: negasti, cum verba illa POST S. PETRI ET PAULI OBITUM eo referenda duxisti, ut indicarent CLEMENTEM post hunc obitum compulsum fuisse ad suscipiendum Episcopatum. Et quamvis hoc non diserte sis proloquens; attamen quid sentias, quid loqui volueris, satis ostendit exhibita illa per te grandior typi species hisce in verbis: POST OBITUM LINI ET CLETI; POST S. PETRI ET PAULI OBITUM: rursumque minor in his: *quorum uterque Episcopatum ad duodecim annos tenuit*: & major in illis: DUODECIMO ANNO NERONIS. Nam hujus rei appetet nulla, atque, ut puto, nec divinari alia potest ratio, quam ut suaderes Lectori, juxta opinionem, quam ibidem EPIPHANIUS profert, obitum LINI & CLETI antecessisse primum, tum secutum esse obitum PETRI & PAULI; quo secuto compulsus demum sit CLEMENS, ut Episcopatum jam pridem sibi, ac præ LINO delatum, sed modeste tunc recusatum, admitteret. Item, ut reflecteret Lector ad verba illa: DUODECIMO ANNO NERONIS, in quem juxta EPIPHANIUM incideret mors Apostolorum: nullo autem pacto haec: *quorum uterque Episcopatum ad duodecim annos tenuit*; ad sequentia ista: POST OBITUM S. PETRI ET PAULI, vel ad initium suppurationis annorum eo ab obitu faciendum pertinuisse dignosceret. Negasse haec tenus te contendi; negare autem & debuisti: nam ipse Systema tuum aperte rejectum, ac ne somniatum quidem ab EPIPHANIO prodidisses, si duodecim LINI & CLETI annos eum a PETRI obitu suppeditasse monstrares. Intererat proinde tua, id ne faceres.

Nam

Nam leve saltem illud *possibilitatis*, ac *tolerantiae* patrocinium tanto a Viro emendatum volebas.

Sed non idcirco vel causa cecidi vel animum despondere cogor. Negatur axioma, sed in Thesibus tantum; & causam utcunque speciosam negandi deceptorum illud comma, quod conspicitur inter verba: *ad duodecim annos tenuit*, & hæc alia: POST S. PETRI ET PAULI OBITUM, quodque etiam in impressa extare versione *Jani Cornarii Medici* non diffiteor, præstare potuit: ideoque productio a me græco, & cum interpunctionibus suis textu stabiliendum suit. Hoc autem cum feci; anne adhuc persistes negando, VIR CLARISSIME! Ad omnes igitur, teque ipsum, græcæ linguae peritos provoco, alium ut mihi sensum eruant, cum sic legitur, scribiturque: *επισκοπευσαντας περιδιαδρο μετα την &c.* Et NB. sic legitur, sic scribitur ea in editione, quam publici juris fecit vir maximi etiam apud te nominis DIONYSIUS PETAVIUS Aurelianensis S. J., & NB. sic legitur, sic scribitur, quamvis vel ipsa PETAVII latina versio, quæ paululum in verbis discrepat ab ea, qua usus es (si tamen es usus, & non potius ex alio, quem divinare non possum, ea verba descripseris) contentiat in deceptorio commate. Ecce illam, ut nihil me diligentiae prætermisſile putes. Ac fieri sane potuit, ut primum Clemente constituto, cum is defugeret (si ita tamen contigit, quod ego opinando potius, quam asseverando dixerim) postea Lino, Cletoque mortuis, qui XII. annorum spatio singillatim Episcopatum obtinuerunt NB., post Apostolorum Petri, Paulique necem, quæ in annum Neronis XII. incurrit, tum demum Pontificatum capessere sit coactus. Unum tamen advero ob particulas illas: *tum demum*, non ita facile Petaviañum comma illudere cuiquam potuisse; quoniam sic planius est, necem illam, quæ in annum Neronis XII. incurrit, eo pertinere, quod dicitur *singillatim* eos (LINUM & CLETUM) XII. annorum spatio Episcopatum, & quidem post Petri, Paulique obitum, tenuisse: & NB. sic legitur, sic scribitur, quin decipi debuisses tu, qui ipse interdum ante *præpositionem* comma ponis, imo & subiectis post *præpositionis casum*, ubi perinde fuisset, nec obscuraretur sensus, solicitudini si huic parcitum fuisset. Nam ecce te ipsum scribentem multis cum commatis: "Linum & Cletum" fuisse adjutores S. Petri, siao, donec nempe S. Petrus ipse Episcopatum

" patum particularem Romæ , juxta generalem primatum Ecclesiæ ,
" gessit ." Sed pergam tecum contendere : Age ! si fecisset id tuus
ille Medicus, meusque PETAVIUS, ut mutata Syntaxi verbum : te-
nuit, vel : obtinuerunt, quod prius positum vides, ille post τὸ NERO-
ΝΙΣ, hic post τὸ incurrit, ultimo scilicet collocaſſent loco ; dubiumne
superesse posset, an duodecim illos, aut circiter annos uterque a Petri
morte computandos duceret ? Atqui & modo hoc dubium omne per
textum græcum, quem intellexit certissime, aptissimeque distinxit PE-
TAVIUS, depulsum dedi. Agnosce ergo deprehensum te in EPI-
PHANIO, ac cum fallere non volueris , saltem fefellisse incautum :
agnosce vim demonstrationis meæ , quam per hoc non elides, quod
contentum fuisse dicas *successionis substantia*, cum ultimo ac *definite*
loquitur EPIPHANIUS. Nam contentus ille fuit *successionis substanc-*
ta, non quod perinde haberet, an mortuo, an vivo PETRO unus,
geminus, aut etiam ternus subjeceretur Successor ; sed *successionis substanc-*
ta id incidentis, id supponentis, LINUM, qui PETRO successit
primus, nonnisi ab ejus obitu successisse.

Reliquum est, ut, quod factum in RUFINO fuit, id etiam modo
præstem, sinceramque EPIPHANII mentem, quid non rejecerit ille,
quid *possibile*, aut uteunque verisimile habuerit, ob oculos ponam.
Non reject, si quis diceret, CLEMENTEM non a PETRO, sed
post PETRI obitum a CLETO ordinatum fuisse Episcopum : nam
hoc an ita se, an aliter habeat, εἰ παῦς ταῦτα ισχεῖ, non ita clare sci-
mus, vel ut versio habet Petaviana, *liquido non constat*. Fieri dein
asserit potuisse, ut propter Apostolorum itinera, multamque ex Urbe
absentiam, & quia interim *urbs Roma carere Episcopo non posset*, ipsis
etiam viventibus alii constituerentur Episcopi, qui scilicet absentium
vices supplerent. NB. nihil hic in græco PETAVII occurrit de
CLETO : non legitur : ἦτος ἴδυντο, hic (Cletus) potuit constituere ;
sed εἴτε, id est : hac ratione, ἰδύντες.... εἰποκόπες αλλας ναθιστασθαι,
possible erat (nam quid aliud intelligam) Episcopos alios constitui.
Textum integrum sic refert elegans versio Petaviana : "Quanquam vel
" hac quidem ratione poterant viventibus adhuc Apostolis, Petro scilicet
" ac Paulo, Episcopi alii surrogari ; quod iidem illi prædicandi Evangelii
" gratia in alias urbes, regionesque profectionem susciperent, carere autem
Episco-

" *Episcopo Roma non posset. &c.*" Atque de hoc mihi monendus eras,
 VIR CLARISSIME! quoniam supra id me fugisse adverto. Fieri de-
 dum afferit potuisse, ut primum constitueretur CLEMENS, non qui
 vivo, sed qui morruo PETRO adiret Episcopatum; CLEMENTE
 vero illam detrectante provinciam (quod an factum sit, conjecturæ per-
 mittitur) successerit primus, sed a PETRI morte LINUS; secundus
 CLETUS; tertius demum, urgente sic Clero, populoque, CLEMENS.
 Id potuisse fieri, ut & vivo PETRO, & *proprie* succederet LINUS,
 tum LINO CLETUS, & utriusque superviveret PETRUS, imo CLE-
 MENTEM adhuc vivus Successorem in sua sede, vel cathedra Epi-
 scopali nanciseretur, hoc non afferuit, non cogitavit afferere EPI-
 PHANIUS; imo contrarium tenuit manifesto, & ubique pro suppo-
 sito habuit. Sed jam satis multa de EPIPHANIO.

§. XI. Prodeat tandem, qui claudit agmen, sed multo fortius,
 quam EPIPHANIUS, pro VIRO CLARISSIMO dimicabit, IRE-
 NÆUS Lugdunensis in Gallia Episcopus. Nam " legatur attente S.
 " Irenæus cit. lib. 3. cap. 3., & apparebit, hunc S. Patrem *tenuisse* id
 " pro facto, quod S. Epiphanius ponit, *fieri potuisse*. Ait ille 1.) quòd
 " Ss. Petrus, & Paulus fundaverint, & instruxerint Romanam Eccle-
 " siam. 2.) quòd *Lino* ejus administrandæ Episcopatum tradiderint:
 " 3.) quòd *Lino* successerit *Anacletus*. 4.) quòd *Clemens* tertio loco ab
 " Apostolis sortitus sit Episcopatum. Hæc evolvi non possunt per
 " sistema successivi alicujus *Vicariatus*, sed requirunt necessariò succe-
 " dentes in Romæ cathedrâ *Episcopos*." Porro IRENÆUM, quem
 tam attente vult legi, ipse citavit §. II. sub asterisco duplici, & citavit
 sic: " *Fundantes* igitur, & *instruentes* Beati *Apostoli* (Petrus, & Pau-
 " lus) Ecclesiam (Romæ) *LINO* Episcopatum administrandæ Ecclesiæ
 " tradiderunt... *Succedit autem ei ANACLETUS*, post eum tertio
 " loco ab Apostolis Episcopatum sortitur *CLEMENS*: *hunc autem Cle-
 " menti succedit EVARISTUS*." Paulo post etiam adducit EUSE-
 BIUM, qui " lib. 5. cap. 6. referat verbotenū passum S. Irenæi."

Exanimari poteram ad primum IRENÆI conspectum, nisi suc-
 cureret illico, ita me argumentari posse: Atqui non tenuit hoc EPI-
 PHANIUS fieri potuisse, quod VIR CLARISSIMUS afferuit: ergo

F

neque

neque pro facto id habuit IRENÆUS. Sed missa hac argumentatione, fateor me obsecutum seu consilio, seu mandato VIRI CLARISSIMI: legi attente, & perattente IRENÆUM: legi in versione latina, quæ ad manum fuit, eratque editio Parisina anni MDLXXV. in folio: legi in EUSEBIO latino, quoniam verbotenus *is passum Irenæi referre* dicebatur: quid multis? legi quoque in EUSEBIO GRÆCO, ut IRENÆUM ipsum, quoniam verbotemis ab EUSEBIO profertur, neque interpretem duntaxat IRENÆI legisse viderer. Poteratque id me consolari, cum in integra quadam IRENÆI operum editione, quæ injuria temporum non habetur, græce loquentem ipsum legendi facultas non fieret. Ut autem videoas, VIR CLARISSIME! quanta legentis attentio fuerit, atque num ipse, qui consilium, aut mandatum dabas, illud executus sis primum, crisin leviculam dabo in textum, prout a te productus fuit.

Particula: *igitur*, sic scripta est, ac charæctere distinguitur, velut quæ non pertineat ad textum. Atqui & legitur in editione mea latina; & legitur quoque in græco EUSEBII: Θεμελιωταρνες εν. Signum interruptionis trium punctorum ponis, ubi nonnisi una est intermissa linea, eaque non integra: *bujus Lini Paulus in his, quæ sunt ad Timotheum, epistolis meminit.* græce: τυτα τυλιγα πανδος εν ταις περι πιμοθεσν επιστολαις μεμνηται; potuissesque 39. & eo amplius punctorum adjicere post illa verba: *Episcopatum fortitur CLEMENS*, quoniam tredecim, & quod amplius est, lineæ intercurrunt in versione mea latina, donec sequatur istud: *huic autem Clementi succedit EVARISTUS.* græce: τον δε κλημεντα τετον διαδιχεται εναπεστο. Aut si punctorum terrebant copia; sex ad minimum priores lineas, quas etiam apud EUSEBIUM videre fuit, si non aliter id faceres, quam tribus consuetis punctis, eorum quolibet geminis respondente lineis, abruptas a te suisce, signare poteras. Atqui, quæ interruptionem signent, hic puncta nulla occurront. Quid cogitem? quid cogitabit Lector? Illud profecto: EUSEBIUM a me lectum, ac singulari cum attentione lectum fuisse; abs te autem forsitan ne inspectum quidem. Nam si inspexeris, si oculos habebas, cum describeres textum; proh quantum te accusare possem, cum suppressum indicas, quod condonari poterat, quamvis non indicasses; suppressisti autem, nec indicasti, ubi suppressio veniam

niam mereri non potest. Nam quantum ad rem faciant sex illæ lineæ, quantumque evertant id, quod hac typi forma scripsisti : *Clementem tertio loco ab Apostolis sortitum esse Episcopatum*, post apparebit. Atque hic jam denuo te aggredi debo. Dic age : quid aliud sic scribendo volebas, nisi ut crederet Lector, Apostolos ipsos fuisse, proin viventes adhuc, a quibus *tertio loco*, cum LINUS & CLETUS jam dececesserint, Episcopatum sortitus sit CLEMENS; idque *appariturum*, seu perspicuum futurum, dummodo attente quis legeret IRENÆUM. Grande profecto piaculum ! si inspexisti EUSEBIUM ; imo & si lati-
nam tantum IRENÆI versionem : nec leve tamen, nec condonandum, si vel sola textus a te producisti, nec inspecti lectione hanc IRE-
NÆI apparituram mentem suadere voluisti. Nunquid ambiguum id
saltē videri debuit, an, quod dicitur *tertio loco ab Apostolis*, non
ita capiendum foret, ac si *tertio post Apostolos loco dictum fuisse*? Ar-
que ita dum capitulū, quomodo quis concluderet pro Apostolorum
vita, cum Episcopatum sortitus est CLEMENS? An ejusdem nomi-
nis, ac Dignissimus Trevirorum Archipræstul CLEMENS, dum vel
primo post JOANNEM PHILIPPUM loco Trevirensi admotus est
Cathedræ, priore illo adhuc superstite admotus fuit ? Sed forte pro-
prietas latini, græcique sermonis (nam ad literam latino consonat,
quod lego : τρίτῳ τοπῷ ἀπὸ τῶν αἰπεῖολων , minus ea cum acceptione
concordat ? Cave, id ne dixeris: nam ridebunt Tirones. Num igi-
tur præcedit in textu aliquid, num consequitur, quod pro priore illo
militet sensu ? Excutiat illum, centiesque excutiat Lector, prout
tuo secundo legitur, tale nihil inveniet. Quid autem sit inventurus,
ipsum si adierit IRENÆUM, si in versione *latine*, si in EUSEBIO
græce loquentem audierit ea, quæ tu supprimis, quamque illic plane
adversus sit tibi, quo duce pugnare potissimum statuisti; hoc expecta-
tur, hoc docere debebo te, hactenus si forte latuit.

Suppressa sic extant in versione : *Qui & vidit ipsos Apostolos, &*
contulit cum eis, cum adhuc insonantein prædicationem Apostolorum &
traditionem ante oculos haberet. Non solus enim, adhuc multi supererant
tunc Apostolis docti. Sub hoc igitur Clemente dissensione non modica inter
eos qui Corintbi essent fratres facta, scripsit quæ est Romæ Ecclesia
potentissimas literas Corinthiis, ad pacem eos congregans, & reparans

F 2

fidem

fidem eorum, & annuncians quam in recenti ab Apostolis receperant traditionem. Inspectio quemlibet docere poterit, sic plane, ac ne verbo quidem vel commate mutato, meam referre versionem: unde nec particulam quidem: AB, alicubi deficientem supplere volui. Græcus vero, ut apud EUSEBIUM extat, sic loquitur IRENÆUS: ὁ καὶ ἐωρακος τὸς μακαρίνες ἀποστόλους, καὶ συμβεβληκώς αὐτοῖς, καὶ ἐπὶ ἐναυλον τὸ κηρυγματῶν ἀποστολῶν καὶ τὴν παραδοσιν περὶ ὁφθαλμῶν ἔχων εἰ μονον. ἐτί γαρ πολλοὶ ὑπελειποντο τοτε ὑπὸ των ἀποστολῶν δεδιδαγμένοι. ἐπι τατη καὶ τὰ κλημεντος &c. nam quid omnia huc transcribere necesse est? Postrema tamen non penitus præterire debeo, quæ sic habent: οὐ νεωσι ἀπὸ των ἀποστολῶν παραδοσιν εἰληφει. ad literam: quam recenter ab Apostolis traditionem accepit. Porro ex his abs te suppressis, nulloque iupressiōnis signo addito, prætermillis verbis hanc eruo sententiam; quam eruditis in eo genere, atque etiam tibi expendendam committo: CLEMENS tertio loco ab Apostolis sortitus est Episcopatum; ille, inquam, CLEMENS, qui haud sècus, quam LINUS & ANACLETUS, quos in Episcopatu antecessores habuit, conspectu est fruitus Apostolorum, & cum ipsissimē doctrinam conferre solitus, quam inaudierat: cui & ipsi adeo recens prædicatio Apostolica, ut etiamnum illam veluti tubam auribus suis insonantem perciperet; adeo recens traditio, ut illam tanquam oculis suis subjectam legeret; imo qui non solus tunc eorum erat e numero, qui convixerant Apostolis; quoniam multi adhuc extabant alii, Apostolis jam vita functis superstites, qui & ipsi αὐτοις (tine, ut sic loquar, quoniam & tibi est hoc verbum frequens, ut græce te sciem prodas) institutionem suam ipso ex Apostolorum ore acceperant. Quod si jam hæc sit, meo quidem judicio plana, perspicuaque, IRENÆI sententia; næ tu ridiculus es admodum, qui persuadere volueris, IRENÆUM censuisse, Apostolis adhuc vivis, uti successerint LINUS, & CLETUS, sic & CLEMENTEM tertio successisse loco: imo ab Apostolis ipsis in Romana post CLETUM Cathedra collocatum fuisse.

Sed, ut nihil fas sit excipere adversus ea, quæ dixi: pergamus legere, ubi tu desinis, IRENÆUM. Cum ergo dixisset hic S. Pater: τὸν δὲ κλημεντὸν τυτὸν διαδεχεται ἐναρεσος, Huic autem Clementi succedit Evaristus: hæc e vestigio subjicit: καὶ τὸν ἐναρεσον ἀλεξανδρος. ειδ' ετοι εκτος

ἕκατον τῶν ἀποστόλων καθιστατο ζώον. Et Evaristo Alexander; ac deinceps sextus ab Apostolis constitutus est Sextus. Quæro jam, adeone improvidum alicujus, aut stolidum caput erit, ut, quod dicitur sextus ab Apostolis constitutus, ita interpretandum putet, Apostolos fuisse ipsos, qui sexto loco hunc constituerint? Tu si velles eo te dare infanæ, at jam certe non posses, poste aquam CLEMENTEM PETRO, & PAULO supervixisse ponis. Ecquid igitur sextus ab Apostolis, nisi sextus ab Apostolorum temporibus? Aut an forsitan hoc tibi profuturum existimas, quod in SIXTO quædam sit variatio phrasis, dicaturque sextus ab Apostolis, non autem sexto loco ab Apostolis? Frustra es: nam diabulus, non amplius, interjectis lineis, si legisses IRENÆUM, & attente legisses: aut ubi legitimi forsitan, non dissimilandum tibi hoc atque suppressum duxilles, quod cause tuæ tam existiale fore præfenseras, istud occurrere, istud oculos omnino tuos perstringere debuit: Nunc DUODECIMO LOCO Episcopatum AB APOSTOLIS (vel, ut in græco est, Episcopatus ab Apostolis sortem) habet Eleutherius: νῦν διδεκάτῳ τοῷ της επισκοπῆς αὐτῷ τῶν ἀποστόλων κατέχει. καὶ λύραν ἐλευθέρος. Atque hic quidem, cum non se excipient statim, sed separata ob id, quod interjicitur, existant verba illa: DUODECIMO LOCO AB APOSTOLIS; posset, si sola Syntaxis, seu positio verborum spectetur, plus aliquid rationis occurrere, quamobrem ELEUTHERIUM ab ipsis dicere mus Apostolis Episcopatum tulisse, quoniam non nisi duodecimo sit consecutus loco. Si autem insinuit prorsus, hoc qui diceret; si hoc plane dici non potest; nisi quis ad IRENÆI usque æratem Apostolorum vitam produceret, ipso inet id negante, & apertissimis refragante verbis IRENÆO: en igitur & phrasin prorsus consimilem: DUODECIMO LOCO AB APOSTOLIS, quin aliud illa, quam Successionem jam inde ab Apostolorum temporibus ad eum, qui DUODECIMUS extitit, productam, significare possit. Provoco nunc ad omnes, qui tantillum rationi, & æquitati dandum censuerint: Dixit IRENÆUS: Sextus ab Apostolis; dixit: duodecimo loco ab Apostolis; & utrumque hoc cum dicebat, non nisi sextum, aut duodecimum post Apostolorum tempora Episcopum: minime autem Apostolos, tanquam si sexto ii, vel duodecimo loco Episcopatum tradidissent; signare voluit: & signasse credamus eo

uno in loco, ubi dixit: μετα τετω δε τριτη πημ απο των αποστολων την επισκοπην κληρονομην. Post hunc autem tertio loco ab Apostolis Episcopatum sortitur Clemens? Nolo insidiari vocibus: cæterum ex hac voce: κληρονομην, quod idem est, ac forte, vel hereditate capit, novi aliquid argumenti eruerem. Ac sane quid insidias est struere opus, ubi aperta tenetur veritas, plenaque sua se luce prodit? Aliquid superesset refugii, si dices: LOCUM TERTIUM id tantum significare, ut POST Linum, & Clerum TERTIUS sit in ordine succendentium Clemens. Verum & hoc tibi est præclusum: quoniam cum dicitur: DE INCEPS SEXTUS; cum dicitur: NUNC DUODECIMO LOCO, non attendenda tantum est particularum illarum vis, quæ sextum, ac duodecimum post antea memoratos Successorem designent; sed etiam, quia dicitur: SEXTUS AB APOSTOLIS, DUODECIMO LOCO AB APOSTOLIS, successio ab ipsis Apostolorum temporibus repetenda monstratur.

In CLEMENTE quando res tam infeliciter cessit, videamus, an non saltem viceris in LINO: nam de ANACLETO quid videmus? Successit iste LINO: sique ex IRENÆI verbis ne id quidem conficiatur, viventi LINUM successisse PETRO; pro eo, quem LINUS habuit, Successore minus etiam concludere oportebit. Age, quid dicit igitur IRENÆUS, & quid ita dicit, ut appareat liquido, quo illud sensu dixerit, ut in Systema trahi potuerit iste sensus: ut excipiendi adversus illum, ambigendique facultas reliqua nulla sit? Audio: Fundantes igitur, & instruentes Beati Apostoli Ecclesiam Lino Episcopatum administrande Ecclesiæ tradiderunt. Addamus & textum græcum, quoniam non parvo erit usui: Θεμελιωσαντες ονται συνδομησαντες οι μακαριοι αποστολοι την εκκλησιαν, λιγω την της επισκοπης λειτουργιαν ενεχεισαν. Hoccine totum? Imo totum prorsus. Bene habet: lego, relego; appendo, perpendo; meditor, scrutor, voces pene singulas excutio: & nihil dum appetat liquido, neque quid traditum sit, neque an vivi illud tradiderint Apostoli, an vita functi. Sed nunquid, aīs, manifestum est, Episcopatum Ecclesiæ administrande eos tradidisse? Certe: nam hic sonus est latinarum vocum; sed an verus iste sit, propriusque Episcopatus; an tantum vicario nomine gerendus, dubium movere possunt hæc græca vocabula: την της επισκοπης λειτουργιαν, quæ admittit.

adnistrationem tantum, vel *ministerium* Episcopatus exprimunt. Crescitque hinc dubitatio, quod, ubi de CLEMENTE est sermo, non jam ille την της ἐπισκοπης λειτουργιαν, sed ἐπισκοπην ipsam sortitus dicitur. Sed demus, haec IRENÆUM permisuisse vocabula, ut λειτουργιας της ἐπισκοπης haud aliud quidquam sit, quam Episcopatus ipse, & ut proprio administrandus nomine, quo pacto, qui Dominus est rei, rem illam administrare consuevit. Demus, inquam, istud; cum non raro sic quoque loquatur EUSEBIUS, ut ἐπισκοπην, λειτουργιαν, & την της ἐπισκοπης λειτουργιαν permixta invicem, confusaque exhibeat; nam quid dissimilem ego istud, qui dolo agere haud quaquam constitui? At nec dum invenio viventes Apostolos, & quidem a se depositum, aut si forte PAULUS non tibi proprie fuerit, unaque cum PETRO Episcopus Romanus, saltem PETRUM, & de consilio PAULI (ut huic aliquid quoque ista in re concedatur) depositum, inquam, illum a PETRO Episcopatum transtulisse in LINUM. Dices: annon igitur vitam signat hoc ipsum: *Fundantes, & instruentes?* annon concludere hinc fas est, Apostolos, dum etiamnum instruendo, ordinandoque Ecclesiam illam occuparentur, eique bene provisum vellent, etiam Episcopum stabilem, minusque aliis distinendum negotiis præfecisse? Nunquid sic actum alibi? nunquid sui, ac proprii Ecclesiis jam fundatis, instructisque ordinati Episcopi? Oppono: legitur in græco: Θεμελιωτας, οινοδοκιαντας, quæ aoristorum *participia* vim magis habere *preteriti*, quam *presentis*, norunt Tirones græci. Quod ergo Latinus sic vertit interpres: FUNDANTES, INSTRUENTES, id vel circuitu quodam verborum, CUM FUNDASSENT, AEDIFICASSENT, vel ablativo, ut dicimus, absolute posito, FUNDATA, AEDIFICATAQUE ECCLESIA, modo magis accommodato ad ἐρεγγειαν vocum reddi potuisset. Accedit, quod Architecti isti, nempe Beati Apostoli, ab aedificando, magisque extollendo, poliendo, perficiendo ejus Ecclesiæ aedificio, quæ etiam tum prima fuit, saltem politice ob Urbem orbis principem, non destitisse putandi sint, donec vitam illi cum sanguine profudissent. Dices amplius: atqui ipsum tradendi vocabulum id vivos monstrat consignasse Apostolos, quod traditum ab eis accepit LINUS. Nam mortuus dare, aut tradere aliquid alteri anne potest? Imo vero potest; & juxta te ipsum ANACLE.

CLETUS CLEMENTI Sacerdotii sedem tradidit, non utique vivus, sed moriendo. Hoc enim quamvis ex EUSEBIO duntaxat proferas, sentire tamen videris, imo sensisti re ipsa, cum PETRO præmortuum ANACLETUM, & huic illico CLEMENTEM successisse ponis. Si quis, discriben esse, quod in textu Eusebiano anni quoque ipsi adducti sunt, quibus exactis, completisque (per mortem scilicet ANACLETI) traditio illa facta fuerit; nihil autem hujusmodi occurere in textu IRENÆI; Oppono, neque etiam contrarium aliud in illo legitur, ut aliam ab ea, quam & moriens facere possit, traditionem intelligere sit necesse. Sic autem ambigua ad minimum res erit, nec basin pro Sytemate struendo, & quidem tali, quod non ordinasti utcunque, sed asseruisti, suppeditare potuit.

Sed jam juvabo te, atque argumentum proponam, quod nisi fugisset te prorsus (divino quidem sic, atque aliquid divinationis in re ista levi condonare posses) certissime tacitus non eras. Nam & plausum habere poterat, & græci, ut es, idiomatis te peritum indicio non contempnendo monitrare. Ecce illud: dixit IRENÆUS GRÆCUS: ἐνέχειον, id est: *de manu velut in manum tradiderunt*. Hæc autem traditio locum quidem habere potest in vivis, qui manum, ut sic loquar, movere, & ex ea in alienam aliquid transferre possint; sed de mortuo, cui nullus est membrorum motus (non utique vitio vertes, quod metaphoram prosequar) quis, & ad vim ipsius vocis id intelligere possit? Si consulueris Antverpienses in LINO, argumentum illic suggestum videre poteras. Quoniam nunc vero sic juvi te, & juvi contra memet ipsum; etiam contra te, meque decertare debeo. Et vide, quomodo decertem: si semel attendere fas est in textu ad ἐνέχειαν, quam vocis alicujus etymologia suppeditat; etiam in aliis vocibus, suam perinde ex etymologia vim specialem habentibus, ad eandem recurrere permisum erit. Propono hoc tibi conditionis instar cuiusdam: an acceptas? si acceptas; mirum aliquid sum illatus. Inferam *Vicariatum successivum SS. LINI, & CLETI*; inferam, nunquam eos docendi accepisse Sedem, quam supra RUFINI esse sententiam monstravi; inferam, CLEMENTEM tertio quidem loco, sed non nisi inclusio amborum illorum *Vicariatu successivo*; de cætero autem primum ab Apostolis Episcopatum proprie dictum, quod itidem

itidem RUFINUS sensit, obtinuisse. Adverte ad ratiocinium: IRE-NÆUS dixit: ἐνεχειρίσαν, id est: de manu in manum tradiderunt: ergo tunc, cum tradiderunt, vivebant Apostoli. Dixit autem & : τὸν τὴν ἐπισκοπὴν λειτουργίαν, i.e. administrationem, ministerium Episcopatus; nec quidquam amplius; debetque hoc distingui ab eo, quod postea simpliciter vocatur ἐπισκοπή, ne non satis etymologias secutus putetur IRENÆUS. Igitur τὸν λειτουργίαν tantum, & non τὴν ἐπισκοπὴν accepit LINUS. Dixit deinde, LINO successisse CLETUM: in quo? utique in eo, quod is sibi traditum habuit. Nam ἐπισκοπή, & sine alterius additamento vocis, necdum memorata fuit. Igitur nec iste succedit, nisi εἰς τὴν λειτουργίαν tantum; non autem εἰς τὴν ἐπισκοπὴν. Igitur adhuc isto succedente, vivebant Apostoli. Dixit denique, CLEMENTEM tertio quidem loco (sed post Apostolorum tempora, ut supra demonstratum fuit) non amplius τὸν λειτουργὸν, sed τὴν ἐπισκοπὴν, non velut in manus sibi confignatam, quod tantum de prioribus illis subsistere potest; sed sorte, vel hereditate cepisse: nam ea est vis hujus vocis: κληροσθῶται, si ἵτυνον tantum quis spectare voluerit. Ergo per se fluunt omnia, quae supra sunt promissa, si nempe conditionem tu acceptandam duxeris. Quodsi acceptare nolueris, vide, ne iniquus sis admodum, quod soli hoc tibi largiendum putes, quod si alias petat, etiamsi eodem petat jure, ei denegandum censeas. Verum num ea mihi est sententia, quam mox proposui ratiocinando? num IRENÆI est? Dicam candide, VIR CLARISSIME! nec mea illa est, nec, ut arbitror, IRENÆI. Quid ergo sentio ego, & quid me judice IRENÆUS? Sentio, vocibus IRENÆI nec uni, nec alteri, nec simul omnibus infidiandum esse. Sentio ideo, quoniam sic ut sentirem, ubi IRENÆUM a capite isto ad calcem, & quidem perattente legi, compulsus fui. Sentio, quia & ad stipulantem mihi habeo EUSEBIUM, hominem sermonis patrii, & IRENÆI peritissimum, qui IRENÆUM hæc ait referre congruenter, αὐτολύθως, & ut sibi vertere visus est posse CHRISTOPHORSONUS, congruentia admodum iis, quæ antea ipse in historia retulerat. Nihil autem certius, quam EUSEBIUM nullam, nisi a morte Apostolorum successionem ponere.

Sed nunquid principio capitis adversantem mihi habeo IRENÆUM, ubi ait INSTITUTOS ab Apostolis in Ecclesiis esse Episcopos;

scopos ; Apostolos aliis COMMISISSE Ecclesias; quibusque eas com-mitebant, eosdem SUCCESSORES reliquise, qui SUUM IPSO-RUM LOCUM MAGISTERII traderent (forsitan: tenerent) Nun-quid amplius in decursu: ubi ait, se prætermissurum aliarum SUC-CESSIONES Ecclesiarum, solamque indicaturum eam, quæ ab Apo-stolis PETRO, ET PAULO locum habuit in MAXIMA, ANTI-QUISSIMA, OMNIBUS COGNITA ECCLESIA ROMANA? Nunquid denique, quando duodecim illos a Petro commemoravit, ita-que clausit: *Hac ORDINATIONE, & SUCCESSIONE &c.*? Nam talia tu objectare posses, meque etiam, quod superficiarie ad summum, certe non attente IRENÆUM legerim, imo & dolose hæc suppri-menda duxerim, arguere. Verum paucis ista a me occupari possunt. Cedant verborum insidiæ: & apparebit IRENÆUM sibi ex alio con-stare, dummodo hæc senserit, hæc exprimere voluerit: LINUM ab Apostolis ordinatum fuisse Episcopum; adjutorem quoque ad tempus adscitum in administranda urbis Romæ Ecclesia; designatum usque adeo, qui præfecturam ipsam ab Apostolorum morte caperet; cepisse tandem; &, cum eam morte sua deponeret, Successorem tunc habuisse ANACLETUM. Id IRENÆUM voluisse, ut PETRUS primo gesserit Episcopatum illum; dein vivus adhuc, & sponte abdicatum tradiderit LINO; neque ex antecedentibus illis, neque consequentibus, nedum ex famoso textu sive in seipso, sive ut contextui suo junctus spectatur, consequi posse affirmo: propterea quod ad IRENÆI sco-pum perinde omnino erat, si res eo, quo dixi, modo gesta fuisset; nec contrario gestam modo verba ipsa dilucide satis, aut verosimiliter significant. Nam quis iste scopus? Idem scilicet, qui TERTULLIA-NI postmodum fuit; ut ostenderet traditionem per SUCCESSIONES EPISCOPORUM jam inde ab Apostolis PERVENIENTEM AD NOS, atque hac traditione confundi hæreticos, qui *præterquam quod oportet, colligunt*, omnino posse monstraret.

Atque hic sistere poteram, quoniam id sufficiebat ostendere, te-nihil probatum dedisse, aut dare potuisse ex IRENÆO; imo & hunc, prout in conditionem concederes, adversus temetipsum pugnare. Sy-temata autem, quæ propriæ instar sententiæ literato proponantur orbi, super hujusmodi incertis, & probatione debita carentibus, ex parte

parte etiam ipsummet ferire authorem aptis, ædificari non debent.
PARERGON tamen est visum addere forsitan Lectori non injucundum, ut, quam etiam tuimet sis immemor interdum, aut in his, quæ scribis, improvidus, dijudicare possit.

§. XII. Cum finiisses in IRENÆO; cum dixisses §. VI. CLEMENTEM jam sedere cœpisse (nempe *in Romæ Cathedra*) dum SS. Apostoli ibidem sustinuerunt Martyrium; cum addidisses, istud, quod EPIPHANIUS ad *duodecimum* supra retulerat, juxta HIERONYMUM contigisse anno Neronis *decimo quarto*: ut ostenderes, hanc esse HIERONYMI mentem, textum subjicis ex "Libro de Viris Illustr." in PETRO, nempe hunc: *Secundo Claudi anno ad expugnandum Simonem magum Romam pergit, ibique XXV. annis cathedralm sacerdotalem tenuit usque AD ULTIMUM annum Neronis*, id est XIV. Rursusque alterum in PAULO: *Hic ergo XIV. Neronis anno eodem die, quo Petrus, Romæ pro Christo capite truncatus, sepultusque est in viâ Ostiensi, anno post passionem Domini XXXVII.* Ubi mens? ubi ratio? si juxta HIERONYMUM PETRUS cathedralm Sacerdotalem tenuit XXV. annis; si tenuit Romæ; si usque ad annum Neronis XIV.; si eodem anno, eodemque die, quo Romæ PAULUS pro CHRISTO capite truncatur, mortem suam oppetiit: igitur juxta HIERONYMUM PETRUS cathedralm Sacerdotalem tenuit usque dum moreretur; vel certo non diu ante suam mortem depositit. Quæro, quid intelligas, aut intelligere putas HIERONYMUM per cathedralm Sacerdotalem? Si Episcopalem: quam igitur adversum illum habes Systemati tuo? Adversissimum certe, si eo usque retinuit, donec moreretur; adversum adhuc, si paulo ante cessisse illum dixerimus. Nam paucis illis ante obitum vel diebus, vel mensibus, ubi jam tres ille tuos, atque ex ordine *in Romæ cathedrali* Episcopos reperiret? Chronotaxin non exigo; sed hoc volo unum: An fieri potuerit juxta HIERONYMUM? an verisimile hoc ei visum, ut PETRUS eo moriturus anno Cathedram, quam in illum usque annum tenuerit, consignarit LINO primum, tum CLETO, utrique huic *superstes*: & post utriusque istius mortem *superstes* adhuc eam transtulerit in CLEMENTEM? Quodsi non Episcopalem intellexit HIERONYMUS, nec de ista locutum censeas; edic obsecro, quam igitur? An fortassis PRIMATIA.

TIALEM, vel PAPALEM? si ita: duæne igitur tunc Romæ cathedræ, altera fixa, mobilis altera, vel ambulatoria, quam Antiochia secum PETRUS Romam advexerit? Quis unquam ita locutus est veterum? Quis cathedralm ab Ecclesia, vel Episcopatu, cui affigeretur, separandam putavit? Quis olim, quis hodie, ex quo tempore Episcopi Romæ primatum obtinunt, quibus idcirco illos *cathedris*, & quarum utraque *Romanæ* sibi nomen vendicet, insedisse affirmat? Quodsi ergo non hoc HIERONYMUS; si unam tantum ipse intellexit cathedralm, neque ab Episcopali sejunctam: edic, an ostendere volebas, nihil te ducere, sive propitium Systemati, sive inimicum haberes HIERONYMUM? Atqui hujus autoritate pugnabas, ut *substantiam successionis* adstruer.s; & quamvis callide quandoque hanc solam vocis *substantiam*, quæ in serie personarum consistit: attamen ad *substantiam Systematis* tui id pertinet & vel maxime, ut *successionem* vivo adhuc PETRO ad CLEMENTEM usque perductam stabiliias. Si ergo non conciliandum cum illo HIERONYMUM, si aperte refragantem videbas; cur produxisti? Nunquid tutius tibi futurum fuit, si locum signares tantum, ubi in Chronotaxi HIERONYMUS ab EPIPHANIO differret; non autem ex eo verba produceres? Usus jam fueras cautela ista §. tuo secundo, ubi provocasti ad EUSEBIUM Lib. 3. Hist. cap. 2. sed a verbis eo ex capite proferendis, quoniam nimiopere adversabantur Systemati, provide scilicet in rem tuam cœlesti. Aut an forte alio divertendum legentis animum cogitabas, si minuto scriberes charactere: *cathedralm sacerdotalem*, ut scilicet ad aliud iste nihil, quam ad ULTIMUM, eumque XIV. Neronis annum respiceret? Præterquam, quod sic novam accusandi tui materiam præberes; hoc quidem ab incurio, & imperito; sed non ab emunctæ natris lectore sperare potuisti. En igitur aut immemorem tui te, aut improvidum valde, & sine delectu, atque etiam cum incommodo tuo scribentem, cum ea profers ex HIERONYMO, quæ celari omnino debuerant, aut verbis ex parte aliis efferrî, ut faciebas in EUSEBIO; v.g. sic: Secundo Claudi anno ad expugnandum Simonem magum Romanam pergit, ibique XXV. annis PRÆFUIT (aut si forte hoc quis de præfectura Episcopali acciperet) PRÆFUIT (addendo) CHRISTIANORUM PONTIFEX PRIMUS usque ad ULTIMUM Neronis annum,

annum, id est XIV. Sic certe si minus tibi, quoniam non id me præteritum fuit, Systemati tamen tuo magis consultum ibas.

§. XIII. Sed finiamus hanc tandem partem, ac concludamus, nihilum præstuisse te, ut ex veterum dictis Systema novum construeres, veteribus iis, quos produxisti, nonnisi aversis crinibus in ejus communionem tractis. Poseras tamen, si velles, mirumque est, id non fecisse te, aliquem citare veterum, qui Systemati tuo favisset aperitus, quanquam ex toto cunctem sequi non posses. Est is author Constitutionum Apostolicarum Lib. VII. Cap. 46. quem & (pag. 352.) in causam suam producit Jansenista ille anonymus, de quo supra hujus disquisitionis §. VIII. quamvis, ut in te saepius, sic & in illo adcurationem desiderem. Nempe haec ejus loci verba sunt: *De ordinatis autem a nobis Episcopis in vita nostra significamus vobis ... Romanæ Ecclesiæ Linus Claudiæ primus a Paulo: Clemens post ejus obitum a me Petro secundus ordinatur.* Verum quam exigui sit Constitutionum harum authoritas, quot in iis facti errores, quam falsa inscriptio, dum haud secus, quam *Recognitionum libri S. CLEMENTI Primo adjiciantur*, notum hac ætate eruditis est omnibus, atque a NATALI ALEXANDRO prolixâ Dissertatione in Hist. Sæc. I. monstratum. Restat, ut, cum non præiverit antiquitas, saltem recentioris alicujus, quem in Systemate hoc præparando vel ducem nactus fueris, vel patronum, temet autoritate communias. Nullum produxisti, ac ne FEBRONIUM quidem aliquem: suspicio est ergo mihi, nec illa levis, proferri quoque abs te neminem potuisse; neminem inquam, qui Catholicas sectetur partes, cumque Catholicis primum in Romana Cathedra divum Petrum consedisse affirmet. Nam si horum quis esset e numero, cur non proferres tu, qui alioquin es multus in citandis, laudandisque BARTHELIIS, vel aliis hac nostra ætate magni nominis viris, sicuti aut *nova*, aut *nove* sentienti tibi, dicentique faciem prætulerint? An ideo non proculi, quia hujus gloriam Systematis ita ordinati, nexique tibi uni affectas propriam? Non invideo. Verum sic certa res mihi, reliquisque omnibus, quos tuæ non terrent argumentorum umbræ, haec manebit imposterum, PETRUM, ex quo Romanam concedit Cathedram, nunquam illam dimisisse visum; si que ea sit *successionis substantia*, quæ tibi ex EPIPHANIO, Hagiographis

graphis ex parte dissentientibus, permissa fuit; LINUM primo, multoque magis CLETUM, atque CLEMENTEM nonnisi a PETRI obitu successisse.

P A R S S E C U N D A.

§. XIV. **U**t incertus redderetur primatus Pontificius S. CLEMENTIS I., tertii post D. PETRUM asserti Romanorum Episcopi, opportune Systema ipsum præmittebatur, primatus hanc dignitatem detrahens LINO atque CLETO, utpore defunctis, PETRO adhuc vivente, ac retinente illam, Urbis Romæ Episcopis. Poterat lis tertio intentata Successori audax alioquin nimium, ac vix toleranda videri, si duorum excluso Papatu, qui Romanam rexissent Ecclesiam, veri illius atque *omni cum rigore* Episcopi, Papatus insuper tertii vel possessionem amitteret suam vel possessionis saltem istius certitudine dejiceretur. Præmisso autem Systemate tolerabilius hæc res fiebat, eo quod iam appareret duorum cum Episcopatu Primatum haud sociari posse, PETRO, quoad viveret, semper existente *Universalis Ecclesiæ Primate*; unius autem ordine quidem tertii a PETRO, attamen primi post ejus obitum Romani Episcopi, Papalem in jus trahere dignitatem eo ferri posset facilius, quo speciosior aliter opinandi, vel aliquantum hæsitandi ratio legentium sub conspectum adduceretur. Bene habet. Videamus, quid VIRUM CLARISSIMUM hæsitare coegerit, si non etiam contrariam plane in opinionem distraxit. Suis ille verbis loquatur.

" Cùm ergo juxta nos Ss. *Linus & Cletus* (utpotè vivente adhuc Petro defuncti Romani Episcopi) non essent *Caput totius Ecclesiæ*, sed *solum Episcopi Rome*, fuitne saltem S. Clemens secundus *totius Ecclesiæ Primas*; quia S. Petro superstes? Ex. Pro certo non aū sim hoc adstruere; quoniam hæc tenus sufficiens ratio allata non fuit, quod is, qui successit Petro in *Episcopatu Romano*, eidem quoque *ipso jure & fine* quovis alio requisito, *successisset in Primatu, seu Praefecturâ totius Ecclesiæ.*" (a)

Ob-

(a) §. IX. pag. 43.